

# KANGUKA

N° 80

PRIX 100FRW

1er Journal Indépendant du Rwanda B.P. 2199 KIGALI 5ème ANNEE 1993

TWAGIRAMUNGU FAUSTIN YIRUKANWYE MW'ISHYAKA MDR  
NONE NGO ARI HAFI GUHIMBA MDR YE ITARI PARMEHUTU !



● Umupira w'abakombozi n'inkotanyi.  
zirongeye ziradutsinze bahu !!!



\* Rwanda ----- 100 FRW  
\* Burundi ----- 250 FBU  
\* Belgique ----- 100 F.B

\* KENYA ----- 50 SH.K  
\* UGANDA ----- 1 U\$  
\* SUISSE ----- 5 F.S

COLONEL SIMBA ATI  
BARAMBESHYERA SINDI UMWI  
CANYIKANDI SINANGA ABATUTS

# Abakombozi mu nkotanyi

## EDITORIAL

Ninde washoboraga gukeka ko urubyiruko ruturutse i Kigali rwafata inzira rukajya gutera umupira n'urw'Inkotanyi ? Izi ejobundi twitaga inyenzi, imburagosani, imvunamuheto, UMWANZI ?

Ninde wumvaga ko abantu bagera kuri magana atatu bashobora kwirirwana n'Inkotanyi umunsi wose, baseka, bakina, baganira, banywa, barya, BATARASANA ?

Ni kuki se, kuva hambere, na n'ubu, abategetsi ba Leta y'u Rwanda bashyira amananiza ku bagerageje kujya kuvugana, gushyikirana no gutara amakuru mu butaka bugenzurwa na FPR ? Aho ntibangaga ko TWIBONERAUKURI ?

Imikino yahuje urubyiruko rwa PSD ABAKOMBOZI n'urwa FPR INKOTANYI ku cyumweru tariki ya 18 Nyakanga 1993 yerekanye byinshi, ihishura ibindi :

**INKOTANYI** ni abanyarwanda baharanira uburenganzira bwo gutaha iwabo ; ni abanyarwanda bakunze igihugu cyabo, bafite inyota yo kubaka urw'ababyaye. Ibindi byinshi bazitiriye, cyangwa se bazivugira ni ibinyoma by'abatinya ukuri, by'abafite ibyo bikekah.

Urubyiruko rwo mu Rwanda rwarambiwe intambara abakuru barushoramo. Icyayibakiza cyose, ruzakitabira bwangu kandi rugishyigikire.

Iyabaga abategetsi ba Leta y'u Rwanda, perezida Habyarimana ku isonga, barekaga imishyikirano ikagibwa mu nzego nyinshi, abaturage bakabigiramo uruhare rugaragara, bagahura n'Inkotanyi nka kuriya Abakombozi babigize, mbarahiye ko ibintu byasubira mu buryo vuba na bwangu. Noneho ndetse inyangarwanda nyazo zikagaragara...


KAYIRANGA Marcellin



Kanyarengwe, Ngango na Kagame.

## Ikiganiro na Janvier UMUTIJIMA

### umukinnyi mu bakombozi,



**KANGUKA** : Inkotanyi zabatsindishije iki?

**Janvier** : Urebye icyo Inkotanyi zadutsindishije, twe ntabwo twari twariteguye bihagije, kuburyo buhambaye. Twiteguye mu gihe cy'icyumweru kimwe gusa.

Ikindi kandi, bo . bakiniraga imbere y'abantu babo benshi, babogezza cyane. Nahamya ko baje gukinira i Kigali, twaban'yagira ibitego byinshi. Ikindi ntakwibagirwa nave wiboneye, bariya bakinnyi b'Inkotanyi bazi gukina, harimo abahanga bakina mu makipe akomeye y'ino i wacu. Kandi byagaragaraga ko biteguye uyu mukino.

**KANGUKA** : Uyu mukino wabahuje n'Inkotanyi mwawakiriye mute mu rubyiruko rwa P.S.D. ?

**Janvier** : Twe urubyiruko rwa PSD ABAKOMBOZI twarabyishimiye cyane. Urebye intego yacu ntイヤ ugutsinda, usibye nyine ko ntawabyanga kandi ntako tutagize. Ahubwo intego yacu kwari ukugirango twerakane ko urubyiruko rwarambiwe intambara, rushaka amahoro. Kwari ukugirango dutinyure bamwe bagitinye Inkotanyi, tubereke ahubwo ko ari abavandimwe bacu duhuje byinshi nba atari byose ; kwari ukugirango twereke izo Nkotanyi ko benshi mu Banyarwanda twiteguye kubakira neza, bakatugarukamo nta mpungenge, nta kwishishanya.

**KANGUKA** : Murateganya gukina umukino wo kwishyura ryari ?

**Janvier** : Bizaterwa n'abayobozi bakuru ba FPR na PSD twe twifuzaga ko yaba hafi hashoboka. Nko mu byumweru bibiri.

# UMUPIRA W'INKOTANYI N'ABAKOMBOZI: INKOTANYI ZARONGEYE ZIRADUTSINDA !



Ikipe y'umupira w'amaguru ya P.S.D.

Hambere, muri mitingi, abayoboz b'ishyaka PSD bavuze ko bazajyana urubyiruko rwabogukina n'urw'Inkotanyi, bamwe bakeka ko ari ibigambo cyangwa ko ari amagambo ya politiki, agamije kureshya abayoboke. Tariki ya 18/7/93, abakombozi buriye bisi, bafata umuhanda wo mu Gasyata, feri ya mbere bayifatira mu RUKOMO rwa Byumba. Abasirkare ba Leta y'u Rwanda bari kuri pozisiyo aho mu RUKOMO barabahagarika bati "Murajya he mwa Bakombozi mwe ? Umukuru muri bo, Maître NGANGO Félicien, wari uyoboye abo bakinnyi n'abarwanashyaka ati : Nimutuvire mu nzira tugiye gutera n'Inkotanyi!"

Bareka abari kuri lisiti yemewe na Minadef baratambuka. Izindi nkunda rubyino, zrimo abanyamakuru abadiporomate n'abarwanashyaka bari batanze amafaranga y'urwo rugendo barabangira, basubira i Kigali bimyiza imoso.

## MBERE YO GUKINA, INKOTANYI ZABAKIRIYE NEZA

Abakombozi bageze ku MULINDI i saa sita ibura iminota makumyabiri Perezida wa FPR Alexis KANYARENGWE niwe ubwe wabakiriye. Afata ijambo abifuriza ikaze muri RPF, ashima icyo gitekerezo abakombozi bagize, ahamya ko ari urugero n'ikimenyetso cy'uko bombi ari abavandimwe, bakwiriye kubana aho kurasana. Atumira abari aho kwegera ameza, bagasangira ibyejejwe mu Rwanda rw'yo: boroshete, sote, ibitoke, umuceri na Fanta. Nyamara yari yabanje kwisejura agira ati : "Inkotanyi ntituri abakire cyane ariko ntituri n'abakene nyakujya". Ibitwenge n'amashyi byamaze iminota itanu.

## MURI VOLLEY-BALL ABAKOMBOZI BATSINZE

Bamaze kuzimanirwa, abakinnyi biteguye gutera. Habanza aba Volley-Ball. Hari hateganijwe na Basket-Ball ariko ikibuga cyari kimwe n'icy Volley, kandi amasaha yari atangiye gukura. Twe Abanyamakuru bigenga ntitwabashije gukurikirana uwo mukino, kuko tutari twakahagera. Inkotanyi zatsinzwe amaseti atatu ku busa, ariko zihagazeho :

	Kombozi	Nkotanyi
Seti ya mbere	15	10
Seti ya kabiri	17	16
Seti ya gatatu	15	13

Umukombozi wabombarize Inkotanyi cyane ni Théophile MINANI  
Naho Inkotanyi yatikuye cyane Abakombozi ni Pacifique.



Ikipe y'umupira w'amaguru ya F.P.R.

## MU MUPIRA W'AMAGURU za radutsinze

Abakombozi bamaze gutsinda muri volley, Iz'amarere zahinduye tagitike, zanga kuviramo aho. Zibwira ba bashyitsi b'i Rwanda, barimo n'abakinnnyi b'umupira w'amaguru, bati : Twongere tuje ku meza ! Abakombozi bose bariyamira bati : TURONGEYE TURARIYE BAHU !!... Na ka byeri noneho barenzaho. Abakinnyi ba PSD bahimbawe, bumva ntacyo bakwangira Inkotanyi. Bamwe bakiguguna igufa rya nyuma, babwirwa ko bagiye guhita bajya mu kibuga. Ku musirikare ntacyo bitwaye, igifu cyabo kiba cyarabaye nka Muvoma: Byose kirakira: Inzoga, inyama, imijugwe, umugore... ntakibabuza kwiruka no gukora akazi kandi gasaba imbaraga.

Mbere yo gutangira umupira, Inkotanyi zerekanye akarasasi k'inyeshyamba karyoheye ijisho: Bagenda bwuma, bahuma nk'intare, bakinisha imbunda mu bugenge bwinshi. Abakombozi na twe



*Inkotanyi MA ZIMPAKA na NGANGO.  
Ab o bany abwenge bare baga umupira baganira na politiki !*

twese twari twayakanuye tugira tuti : Nidutsinda Inkotanyi bwa kabiri aho ntituraswa ?

Nyuma y'amashyi y'ako karasisi, abakinni binjiye mu kibuga. Umupira utangira saa kumi na

makumyabiri za nimugoroba.

Kuko bwari bwije, bumvikanye ko bakina iminota 70 gusa, aho kuba 90 y'itegeko. Arbitre w'uwo mukino yitwa RUGIRA Léonce, wahoze yigisha muri APACOPE. Nta mwaka ushize asanze abandi ! Inkotanyi zari inyuma y'ikibuga, zogesa, zari zirenze ibihumbi bitatu. Ndetse na bamwe mu bafana abakombozi bitwaje ntibatinze kwiyerakana, bigaraga ko guherekeza PSD ari urwitwazo, ko mu by'ukuri ishyaka ryabo, nako ikipe yabo ari INKOTANYI FOOT-BALL-CLUB. Erega ibyatume PSD itsindwa ni byinshi !

Ikindi : negereye ikibuga, nsanga harimo ibitoryi by'amatasu biruta ubwatsi buri mu kibuga. Intambara ni nk'indi !

## **UKO UMUKINO WAGENZE**


Abakombozi batangiye barusha Inkotanyi, bashyira umupira hasi, ndetse Inkotanyi zirawubura pe. Umukinni UMUTIJIMA Janvier, MUGOYI na RUGUMIRE bahanaga neza mu kibuga.

Nyuma y'iminota 15 gusa, umukino warahindutse, Inkotanyi zisatira izamu ry'abakombozi karahava. Ku munota wa 33 w'igice cya mbere, Inkotanyi KABANDA Innocent "yitwikiriye"

Igice cya kabiri cyihariwe n'Inkotanyi. Ba UMUTIJIMA bakomeje kugerageza gusatira ariko bikanga. Ku munota wa 50, habonetse penaliti iturutse ku mukinnyi w'Inkotanyi wagushijwe imbere y'izamu. Arubitiri RUGIRA atanga penaliti, Inkotanyi KABANDA yongera gukora amayele yabo : umupira awohereza mu nguni y'iburyo, nyezamu atoromera mu y'ibumoso. Kiba igitego cya kabiri. Iz'inyuma y'ikibuga zirongera zigaba igitero mu kibuga. Hagombye kuza abakuru bazo bagira bati "Nyamuneka nimuve mu kibuga umukino ukomeze !" Nabonye ibyishimo byazo biruta kure uburakari bwazo !

Umupira warangiye utyo, bibiri by'Inkotanyi ku busa bw'Abakombozi. Nyuma abakinni barahoberanye biratinda. KANYARENGWE, GAFARANGA, NGANGO na KAGAME bifotozanya n'abakinni bose hamwe. Inkotanyi zihabwa ingofero za P.S.D, abakombozi baha bwa udupira twa F.P.R. Perezida KANYARENGWE yavuze ko umukino wo kwishyura uzaba ari uko amasezerano y'amahoro yashyizweho umukono. Ng'iyo "affaire" P.S.D. yakoze mugirango irakina...

**KAYIRANGA Marcellin**



*Penaliti y'Inkotanyi.*

# Twaraye mu nkotanyi : wazinganya iki ?

KAYIRANGA Marcellin

Tariki ya 18/07/1993, urubyiruko rw'ishyaka P.S.D. ABAKOMBOZI rwafashé iya mbere rujya gutera umupira n'urwa FPR-Inkotanyi. Uwo mupira wahuruje abantu benshi batuye i Kigali, uretse ko Minadef yaje kubyitambikamo, ibuza abari biyandikishije kuuya kogeza Abakombozi. Ku munota wa nyuma, twumvise kuri radiyo Rwanda itangazo ry'ibiro bikuru PSD rivuga ko hazagenda abakinnyi gusa. Byabaye iby'ubusa kuko mu gitondo cy'iyo tariki abantu bagera ku bihumbi bibiri bazindukiye imbere y'ibiro bikuru bya P.S.D. Abayobozi b'iryo shyaka bifashishije wa mutwe wa GOMN bagerageje gusobanurira abari aho ko Minadef yemereye gusa abantu 118, biba ay'ubusa. Imodoka zigera buri mirongo itatu zafashe umuhanda wa Byumba, ariko inyinshi ntizarenga mu RUKOMO. Aho hantu hari pozisio z'ingabo za Leta y'injyana-muntu. Ibyo bizwi n'abasirikare ba GOMN cyangwa abanyamakuru bigenga, inshuro nyinshi twari tuharasiwe. Twarabyumvise ! Ariko bamwe batangazwa no kubona ukuntu izo ngabo zihutaza abantu cyangwa amagambo mabi abava mu kanwa.

Muri abo bangiwe, harimo inkundarubyino za P.S.D., izi FPR ziba i Kigali n'i Butare, abadiporomate naza ndushyi z'abanyamakuru bigenga. Twatangajwe no kubona abayobozi ba PSD barwanira ko abanyamakuru ba Radiyo Rwanda bakwambuka, bakananirwa kuvuganira abigenga. Ni akumiro !

## Ntibyatubu jie kugenda !

Tumaze kubona ko iyo nzira ari umutamenwa, abanyamakuru bakorera ibinyamakuru byigenga, twigiriye inama yo guca indi nzira, tigera ku MULINDI mu ndiri y'Inkotanyi mu ma saa kumi za nimugoroba.

Tuhagerera hamwe na minibus z'abakombozi b'i Byumba na Ruhengeri, banyuze inzira ya KINIHIRA. Twasanze umupira w'intoke wa Volley Ball warangiyе, dutangira uw'amaguru.

Rero abo basirikare babaye i bamba, bavuga ko bahawe amabwiriza yo gutambutsa abari kuri risiti ya Minadef.




Kuri permanence ya PSD abashakaga kugenda bose barabangiye kandi bageraga kuri 2000.

## INKOTANYI ZIZI GUTEGURA IBINTU

Umuntu wese ugiye mu Nkotanyi anyuze kuri bariyeri z'abasirikare ba Leta n'iz'Inkotanyi, ahita abona itandukaniro ry'izo ngabo : Inkotanyi zitandukanye n'Inzirabwoba, zibarusha disipline ya gisoda. Nta guhutaza, nta terabwoba, nta gukankama, nta gutukana. Si ubufana, ntawe mbeshyera !

Igitsure baragifite, ndetse uramutse wanukurikiza ibyo bakubwiye cyangwa ukabazanaho ibyo guteta, bagusubiza myanya yawe. Ariko ntibakurasa... Iyo ugeze ku butaka bwabo, bagulu uguherekeza, akagucisha kuri bariye zabo, nta kibazo. Kuri bariyeri yabo mbere, barasaka bya "seriye" (sérieux). Bagusanga na amafaranga, uko yahangana kose, bakayagusubiza nta n'ikuru riburamo. Bagusangana imbunda (byige kuba kabiri bafashe ba maneko ba Kinak...



Kanyarengwe, Kagame na Dr Gafaranga bose bishimiye uwo mukino, buri wese ku bury o.bwe

bakakugumana, bagategereza ko abo mwazanye bahindukira, bakakureka ugasubira iyo waturutse. Ntibakurase... Iyo KANYARENGWE na KAGAME baje kubonana n'abaturutse nu Rwanda, gusaka birushaho gukara. Abarinda umutekano baba ari agahiryi ; ibyo birumvikana. Ariko iyo inama irangiye cyangwa igithe umupira warangiraga, KANYARENGWE na KAGAME begera abanyamakuru ; begereye abakinnyi b'abakombozi barifotozanya, baraganira, baraseka.

Iyo INKOTANYI zizi ko zifite abashyitsi, zirabahishira, zikazimana Muzabaze abakombozi bagiye gukinayo cyangwa twe twarayeyo.

Nta bya mirenge cyangwa se ibyo gukabya bategura : ka Fanta guturuka i Bugande, ubunyobwa, biswi, rimwe na rimwe ka byeri gakorerwa nako i Bugande, n'utundi "twungucenge" tworoheje biraboneka. Inkotanyi-kazi n'izo ziba zisereva abashyitsi zambaye ibya gisirikare. Usibye abarinze abakuru babo n'abarinze aho bahurira n'abashyitsi babo, nta wundi wemerewe kugendana imbinda.

Bakora ku buryo buri mushyitsi aba afite umwitaho. Iyo ababagendereye batashye, Inkotanyi- ziraherekeza zigira ziti "mutashye abanyarwanda"! cyangwa se "muduhishire vuba aha turaje"! Biti ihi se "Mubwire wa "mugabo" areke amananiza" Baramutsinda ntibajya bamuvuga mu izina. Usibye ko nanje mbiganye...

Baraherekeza bakakugeza kuri bariyeri yabo ya nyuma. Ubwo kalivariyo (calvaire) iba itangiye, kuko uba wongeye gusubira mu karere kagenzurwa n'Inzirabwoba. Ibyo byose bituma uvuye mu Nkotanyi agira ati BARAZIBESHYERAGA ! Cyangwa se ati : "BYANZE BIKUNZE NZONGERA NSUBIREYO"!

## **TWARAYE MU NKOTANYI**

Umupira w'amaguru warangiyе mu ma saa kumi n'imwe n'igice. Bus y'abakombozi n'intumwa za P.S.D. zabaherekeje bahagurutse ku Mulindi saa kumi n'ebiyiri n'igice. Abanyamakuru bigenga na za minibus ebyiri zanyuze iya KINIHIRA twasanze gutahana n'abo bakombozi bidashoboka. Kunyura inzira ya MIYOVE-KINIHIRA n'abyo ntibayi



*Inkotanyi zari zahururiye uwo mupira w'akataraboneka. Ni nyinshi ntibazababeshye.*

gushoboka kubera umuhanda mubi, mw'ijoro. Byatumye dutungura Inkotanyi tuzaka icumbi. Bati nta kibazo ! Natwe tuti nta kibazo, n'ubundi twari kurasirwa mu nzira. Turara dutyo. Twese hamwe twari nka mirongo irindwi.

### **Igitaramo cy'agahebuzo**

Bamaze kumva ko baraye, benshi mu bo twari kumwe berekanye ibyishimo. Ntawe icyo cyemezo cyagombaga kugwa nabi, kuko n'abari babonye Inkotanyi bwa mbere batifuzaga kuziva iruhande. Nka Yezu, zigomba kuba zifite ikintu kireshya abantu bakaza nta kwitangira. Batweretse aho turaza amamodoka, ubundi batuznira agatama na Fant. Uretse ko noneho kwari ukwisengerera. Byeri yaho ni magana atatu yose y'u Rwanda. Fanta ni inote y'ijana. Ni byo nababwiraga, nta mishinyiko mu Nkotanyi. Ariko kubera ibyishimo, buri wese yisatse mu mifuko, ku kibuno, muri mugondo, mu ma sutiye, turagura, dusangira n'Inkotanyi nke zagombaga kutwitaho. Hari radiyo hafi aho, indirimbo za KAYIREBWA, ISAMAZA, Jean Paul SEMPUTU ndetse na Bob Marley byose bitugeraho. Mu maa saa mbiri nibwo haje intumwa itubwira ngo nituze bajye kutwereka aho turara. Dusanga ndetse baduteguriye umuriro kubera imbeho iba ruguru iyo. Bajya babeshyera imbwa z'i MUSHA... twarose biratinda

Kera kabaye, Inkotanyi-kazi iraza inosha inkumi twari kumwe, ijya kuzerek aho baziteguriye. Kubera ibiparu bya TOJO w'i Nyamirambo, ntawigeze yibuka ibyo "bidukikije" bituvanywe i ruhande. Mbega ibiparu, mbega guseka, mbega kwishima, Mbega abakobwa beza bo muri R.P.F. Kera kabaye indi ntumwa iza kutubwira icyo benshi bari bibagiwe : "Nimukarabe tubazaniye ibyo kurya!" turatekereza tuti: ibitiritiri turabikizwa n'iki ra ?

### **Ibitiritiri bya BIZIMUNGU twarabibonye!**

Inkumi ebyiri zo muru R.P.F.

zitwoza. Mu kanya gato tubona izindi nkumi zituzaniye amasahane yuzuye umuceru n'inyama ingana n'umutwe w'umuntu. Tubanza gukeka ko ari "amashu" y'abantu; ariko dusanga ari inyama z'inka.

Batubwiye ko borora inka. Usibye ko hari mugenzi wacu wavuze ko ari iza NSENGIYAREMYE yororaga mu Mutara. Aho zituruka hose, haramaze : ZIRYOSHYE KUBI. Iribazo gusa ni ukuyifata mu kiganza, kubera ubunini bwayo. Mwabaza umusore TOJO n'u m u n y a m a k u r u Bosco b'i NYAMIRAMBO. Hari abategereje ka deseri k'ibitiritiri baraheba, usibye ko n'ubundi katari kubona aho tugashyira. N'ibyo BIZIMUNGU yitaga ibitiritiri se bahu ?



Bikur. urup. rwa. 6

Ibiparu birakomeza, Inkotanyi ziradushima, dore ko zimwe muri zo ziba zizi ko abaturutse mu Rwanda bose ari abantu ba HABYARIMANA baje kubaneka no kurasa abayobozi ba R.P.F. Ntibamenyeko bamwe muri twe turusha ubukotanyi Inkotanyi!

Mu maa saa sita z'ijoro, za Nkotanyi kazi ziti twabasasiye muze mujye kugobeka umusaya ejo n'urugendo. Zitujya imbere n'amatara ya peterori, n'amasisitmu batwerekwa uburiri buva nk'i'y bukahera iriya. Nk'umubyeyi uryamisha urubyaro rwe, baratworosa badukingira amadirishya n'imiryango. Muri twe hari abari biteze ko uko kudufata neza bikomereza mu buriri: Ntibatinze gusubiza inkota mu rwubati, kubera ko icyo kibazo muri R.P.F. kitabayo. Inkumi n'abasore ba R.P.F. bibereye nk'Abamonaki b'i GIHINDAMUYAGA... Inshinge zaryamye cyeraaa !

Saa kumi za mugitondo baradukangura ngo twitegure kugenda. Dusanga bo bakiyotera umuriro baganira buhoro, batinya gukangura abagisinziriye. Saa kumi n'imwe n'igice twese twari OK, imodoka zimaze gushyushywa. Bamwe batugeza ku modoka abandi bafata iyabo batujya imbere, batwambutsa bariyeri zabo; dutaha dukubita agatoki ku kandi tugira tuti : Nta kibi nk'ubutegetsi bubi, bubuza abavandimwe kubana, bubuza abanyarwanda gusangira akabisi n'agagiye.

Twagarutse twiteguye guhura n'ibibazo kuri bariyeri z'abasirikare b'u Rwanda, bari mu muhanda wa Base-Shyorongi. Ku bw'amahirwe, ntawatwakuye muri icyo gitondo. Twageze i Kigali mu ma saa tanu za mu gitondo.

**KAYIRANGA Marcellin**

**Umuyobozi w'ikinyamakuru:**

**RWABUKWISI Vincent**

**Iapiro : INR**

**Umubare w'ibyacapwe : 6.900 ex.**

**ANGUKA** : Equipe ya PSD utoza babona ugutsindwa kwayo kwaturutseuki ?

**VIYANE** : Equipe ya PSD mbereye nutoza yatsinzwe nuko nta shusho na ba twari dufite yuwo tugiye gukina, cyane ko twari tuzi ko ari yeshyamba turi bukine nazo bityo kumva nta bikoresho baba bafite kweto n' ibindi, ariko cyane ko nta ntu na hamwe twari twarumvise ko iyo pe yaba yarakiniye, impamvu rero ya bere ikaba ari iyo. Ikindi ni uko agezeyo dutinze ku buryo ntagihe na ba abakinnyi bigeze babona cyo ruhuka twakoreshaga igihe kibaze buga nacyo cyaradutonze. Uruhande abanjemo ku ruhande rw'ibu moso arimo imigunguzi bikaba byaratumye agera kw'izamu kenshi. Nabonye rimo n'ibitoryi by'amatasu mu kibuga.

**NGUKA** : Equipe y'Inkotanyi yibonye ute ?

**VIYANE** : Equipe y'Inkotanyi uko yibonye, nasanze ari Equipe ikomeye buryo ntabiterekerezaga, nsanga ari ifite imyitoto bikagaragara ko mazze ige bitoza kuko ni Equipe izi huza umukino kandi ugasanga n'umuntu giti cye ari umukinni ufite ikipi urutsemo ndetse bigaragara ko menyereye amarushanwa. Ikindi intangajye ni ukuntu nasanze iyo Equipe ibikoresho byose bigezweho mu pira w'amaguru twari tuziko bakanisha rugabire cyangwa za bote twumvaga yitsinda nta kibazo kirimo.

**NGUKA** : Kugirango umuntu yemerwe kuba umukinni mu kombozi hagomba iki, mukurikiza iki?

**VIYANE** : Kugirango umuntu yemerwe kina muri Equipe y'urubyiruko rwa

P.S.D. ariyo yitwa J.S.D. abakombozi ntabwo bikomeye, hari condition ebyiri gusa twakoresheje :

- Kuba uri umurwanashyaka w'ishyaka riharanira Demukarasi n'imbereho myiza y'abaturage (P.S.D.).
- Kuba waratoranijwe mw'irushanwa ryabaye ubwo P.S.D. yateguraga isabukuru y'imyaka ibiri imaže ishinzwe. Ariko tukavuga ko n'abandi bakinnyi b'anakombozi bafite uburenganzira bwo gukina muri Equipe y'ishyaka ryabo, iyo habonetse imyanya, iyo hari abatabonetse.

**KANGUKA** : Uriya mukino wawakiriye ute ?

**VIYANI** : Jyewe waranshimishije cyane ; dutegura uriya mukino havuzwe amagambo menshi, abantu bamwe badukura umutima ngo uwo mupira ntuzaba, ngo ntibumva ibyo abakombozi babamo. Burya ngo Abashinwa n'Abanyamerika bahujwe n'agapira ko kumeza bita PING-Pong ; nyuma umubano uza gukomera kuva icyo gihe ; twe rero ibyacu birusha ibyabo ingufu kuko bariya bo tuva inda imwe. Uko byagenda kwose tugomba kuzabana. Muri uko kubona rero tugomba guhura tugasabana ku mpande zose, bikabera urugero rwiza abanyarwanda bose mu rwego rwo gutegura imitima yabo ; ishyaka P.S.D. rifite inshingano ikomeye yerekerye n'imbereho myiza y'abaturage, iyo mibereho rero izaboneka ari uko abaturage bahuye kandi bakisungana bityo tukabona iyo mibereho myiza. Nkaba rero nemeza ko P.S.D. yashyizeho iyo mikino mu rwego rwo gutegura imitima y'abanyarwa kandi n'andi mashyaka yose ashaka amahoro batubwiye yuko amarembo yuguruye bashobora kuza kwikinira n'urubyiruko rwa F.P.R.

Byakiriwe na **KAYIRANGA Marcellin**

**KANGUKA** n°80 du 28 juillet 1993

# Disikuru ya NGANGO mu Nkotanyi



Nyakubawa Perezida wa FPR-  
INKOTANYI

Nyakubawa Vici-Perezida wa FPR-  
INKOTANYI Ukaba n'umugaba wa  
FPR-INKOTANYI

Ba Nyakubawa mu gize Comité  
exécutif ya FPR

Namwe Banyarwanda tuva inda imwe  
muteraniye hano,

Nagirango mu izina ry'ishyaka' ryacu  
riharanira demokarasi n'imibereho myiza  
y'abaturage, mu izina rya bureau exécutif  
yaryo, no mu izina ry'abo twazanye, mbahe  
indamutso mfite, iyo ndamutso ikaba ari  
indamutso y'amahoro. Nimugire amahoro.

Uyu munsi ntawwo nashobora kubatekererera  
ibyishimo bindi ku mutima. Burya ibyishimo  
biranarushya si nk'ububabare.

Iyo umuntu ababara, agira aho akanda akavuga  
ati ndababara aha. Ariko iyo wishimye  
bikuzura hose ukabura aho ufata n'aho ureka.  
Nabuze rero aho mfata n'aho ndeka kubera ko  
ibyishimo binyuzuye.

Uyu munsi tuwutegereje igihe kirekire ;  
twawifuzaga ;twawifuzaga turi benshi. Tuba  
twanaje turi benshi kurushaho, ariko  
ntibyadushobokeye. Iyaba ari twabigenaga,  
si uku muba mwatubonye. Cyokora twaje turi  
intumwa. Mu butumwa rero dufite  
ndabubahaye : ni ubutumwa bw'amahoro,  
mwifurizwa n'avavandimwe banyu bari muri  
PSD bose, Mwfurizwa kandi n'abanyarwanda  
benshi bakunda amahoro.

Urubiruko rwatangiye rutwerekwa umupira.  
Hari abantu byatangaje kuko ahari  
batasobanukirwaga uriya mupira icyo aricyo.  
Uriya mupira kuri twebwe si umupira  
usanzwe. Uwo twabonye mu gitondo w'intoki

n'uwo tugiye kubona w'amaguru ntusanzwe si  
nk'iyindi. Ni umupira w'ikimenyetso  
cy'ubuvandimwe twaje kubagaragariza; ni  
umupira w'ikimenyetso cy'ubusabane dushaka,  
n'umupira w'ikimenyetso cy'ubwiyunge  
dukeneye. Si umupira rero nk'iriya ibonetse --  
yose.

Uru ruzinduko rw'uyu munsi, nk'uko Perezida  
wa FPR amaze kubivuga, nirutubere inzira yo  
guca uruzingo rwari ruturi hagati. Turi iwacu,  
muri iwacu, turi abanyarwanda mu gihugu  
cyacu. Muri PSD twigisha ubumwe. Biri mu  
ntego za mbere kuko dusanga ko ighugu  
cyacu kitazaba ighugu, igihe ubumwe  
bw'abene gihugu budahari. Nta leta dushobora  
gukora ngo igire imbaraga, igihe ighugu  
cyahinduka urugerekerane rw'amoko,  
kigahinduka urugerekerane rw'uturere aho  
kugirango kitwe urusabane rw'abene gihugu.  
Umunyarwanda yitwe iryo zina aho kwitwa  
umututsi, aho kwitwa umuhutu cyangwa  
umutwa. Cyangwa umukiga cyangwa  
umunyenduga. Umunyarwanda akaba we. Nta  
leta ishoboka umunyarwanda ataraba we.  
Dushaka ko umunyarwanda aba we.

Amaso yampaye. Nyiramaso yerekwa bike  
ibindi akabyirebera.

Ubumwe ntimugomba kwirirwa mubimbwira  
nabusanzwe uko nabarebaga. Nabubonye  
mutabumbwiye. Dufite rero aho duhuriye  
uretse no kubona bya kinyarwanda, njye  
narebye mbona tuzanabana neza no muri  
politiki, nkurikije uko nababonye.

Ntabwo nshaka kubarambira. Uwampa igihe  
nababwira byinshi. Cyakora muhumure mfite  
byinshi ndababikiye. Tuzaganira birambuye  
kuko muzaza kutwisyura. Ndabyizera. Dore  
ko muzaza wenda ariya mahoro dushaka  
twamaze kuyashyiraho umukono. Tuzaba  
twisanzye kurusha wenda uko twisanzye uyu  
munsi. Bamwe basubiyeyo ; ubwo bwisanzure

bwagabanutse. Ndizera ko ubutaha muzaza  
twisanza. Tuzaganira n'izindi nshuro, kuko  
tuzahurira muri byinshi hariya i Kigali  
mutashye iwanyu.

Hari indirimbo nziza njya numva hano iwanyu,  
muvuga muti: "Turaje n'abakambwe  
bananiwe; turaje n'abagore b'amariza; turaje  
n'abahungu b'abasore; ibihumbi n'ibihumbi;  
turaje n'abakobwa b'abangavu"... Nimuze,  
nimuze koko n'ibyo bihumbi, nimuze n'abo  
bakambwe bananiwe, muze n'abagore  
b'amariza, muze n'abana b'ibisage; nimuze  
mujye iwanyu. Murakoze cyane.

## Iyumvire nawe :

Umuntu wabonye umwanya ukomeye ngo  
"yahawe imbehe" cyangwa yawubura ngo  
"bayubitse".

Umuntu agura ivatiri nshyashya ngo ni  
"igitonore".

Akana k'akanguvu ngo ni "akanyogwe",  
muri iyi minsi ho hadutse no "kurya  
icyana", ubwo ngo umuntu aba agacuti  
ke k'agakobwa mu kugatonesha  
ati ni "icyana" byanarimba ngo  
"akakirya". Muri iki gihe ugira utya  
ukumva umuntu aritakumiye ngo "mvuka  
mu bиро mwal!" Ubwo ngo mu bиро ni  
akarere k'iwabo.

Mu gihe abanyarwanda baharanira  
guhindura tsura y'ighugu bayivana mu  
"bucakara bw'inda" numva n'izo mvugo  
zagombye kwibagirana, nawe se ubwo  
byageze aho abantu "barya abandi",  
abandi bakavuka "mu bиро" murumva  
ibintu bigana he ?

# TWAGIRAMUNGU YIRUKANWE MW'ISHYAKA MDR NONE NGO ARI HAFI GUSHINGA MDR YE BWITE

Iyirukanwa rya TWATIRAMUNGU Faustin muri MDR mbere y'uko na Congrès National y'ishyaka iterana rishingiye mu myitwarire y'uwo mugabo ufata ishyaka nk'aho ari entreprise ye bwite. Ubundi ishyaka ni abantu si Umuntu. Niba rero ishyaka rigize riti position yacu ni iyi ngiyi ku Kibazo iki n'iki, ubwiganze bw'abagize ubuyobozi bwarey bukemera uko imyifatire iteye, n'yo waba prezida waryo ute ntabwo wacisha ukubiri n'ibyo noneho ngobihindukire byitirirwe ishyaka. Ibyo nibyo TWAGIRAMUNGU n'abamushyigikiye bose bazize nk'Uko tubibirwa n'umurwanashyaka NIYITEGEKA Eliezer.

**KANGUKA :** Mbere y'uko dutangira iki kiganiro twagirango utubwire igice uhererreyemo muri MDR kuko hanze aha tumaze kubona ko murimo ibice bibiri icya MDR Parmehutu n'icya MDR ivuguruye ari nayo bamwe bakunze kwitirira TWAGIRAMUNGU Faustin.

**N.Eliezer :** Ubundi nagirango nkubwire ko bimbabaza iyo numwise rubanda ruvuga ko twacitsemo ibice kandi ni koko; ndetse nakubwira ko ntacyo tutakoze kugirango tubirwanye none byaranze amazi yarenze inkombe. Ahubwo jyewe mbona ibyo bice aho kuba bibiri nabiyita bitatu :

- a) Hari abegamiye ku wahoze ari perezida w'ishyaka TWAGIRAMUNGU ;
- b) Hari abanze kujya munsi y'igitugu cye;
- c) Icy a gatatu ari nacyo bagenzi banje bo muri bureau Politique bakunze kunshyiramo ni icy'abantu badafite aho babogamiye. Kuko iyo impaka zibaye nyinshi njye bakunze kunyitabaza batu urabivugaho iki ? Simbogamiye kuri uyu cyangwa uriya. Bose ndabubaha ariko ntibimbuze kuvuga icyo ntekerea kuri uyu cyangwa uriya ntitaye ku bucuti dufitanye.

- Igice cy'abadakorera mu kwaha kwa Twagiramungu aribo ba KARAMIRA ba NKEZABERA J.M.V. baNSENGIYAREMYE, nkeka ko, ari nabo bakunze kwita abaparmehutu bababeshyera, abo rero akaba ari nabo benshi, buri wese iyo akoze ikosa sintinya kurimubwira ku mugaragaro. Nyamara rwose muri idéologie y'ishyaka ryacu ntabwo dushyigikiye ayo macakubiri turayarwanya ariko nanone bitabujije buri wese gutanga ibitekerezo bye uko abyumva.

**KANGUKA :** Gouvernema iherutse gushyirwaho taliki ya 16/07 yavuzweho byinshi kandi n'ubu biracyavugwa.



Wowe ubwawe uri mu bayemera cyangwa ntuyemera ngo utubwire n'impamvu zawe. Ese yagiyehe ku buryo buhuje n'amategeko yaba ay'ishyaka yaba ay'igihugu cyangwa biranyuranye ?

**N. Eliezer :** Mu buryo bw'itegeko nshinga ry'igihugu cyacu iriya Gouvernema iremewe kuko iryo tegeko rivuga ko perezida wa Republika ariwe ushyiraho Ministre w'intebé akanamuvanaho igihe cyose abona ko ari ngombwa. Ni nawe wemera aba Ministre. Ariko mu buryo bwa Politique iriya Gouvernement ntabwo yemewe. Uti kuki ? Ubu turi mu nzibacyuho. Iyo nzibacyuho igengwa n'amasezerano amashyaka ari muri Gouvernement yagiranye tariki ya 7/4/92. Ayo masezerano yemera ko amashyaka atamwangiye muri guvernema. Ko MDR itanze Ministre w'intebé. None ejobundi bagiye gushyiraho guvernema

bafata Ministre w'intebé utanzwe n'uwaru Prezida wa MDR ariko amutanga atabyumvikanyeho na Bureau Politique y'ishyaka. Iyo Bureau kandi ikaba igendera ku mategeko avuga ko umuntu wese uzajya mu rwego rwa Politique ari umuyoboke w'ishyaka yaba Ministre w'Intebé, Ministre, Conseiller, Directeur de Cabinet, ndetse na ba Ambassadeurs, ni ukuvuga uwo mu rwego rwo hejuru wese agomba kujuhaho binyuze muri Bureau Politique. Akaba ariyo ivuga uwo mutunu uwo ariwe kuko iba izi akamaro azagirira igihugu aramutse agiye mu rwego uru n'uru. Rero mu buryo bwa Politique nk'uko nabikubwiye iriya guvernemt ntiyemewe kuko abashyizweho batatanzwe n'urwo rwego. Yemwe na Faustin mugutanga uryia Ministre w'Intebé ntiyabanje kugisha inama bagenzi be babiri bari kumwe nawe aho ngaho aribo Disimasi na Murego. Urumva rero ko Komite nyobozu yari ihagarariwe n'abantu batatu ntibagishwa inama ahubwo umwe arabyihererana abikora ku buryo bugamije gushimisha IKINANI kuko uko bigaragara har agatsiko k'abayobozi b'amashyaka kaguya mu mutego w'IKINANI none bakabu bariyemeje kugambanira abayobok b'amashyaka baturukamo. Nkumeneri ibanga rero ; Faustin TWAGIRAMUNG amaze gukora ariya mahano yo gufa ibyemezo mw'izina ry'ishyaka kan ariwe wenyine bireba, Bureau Politique yashoboraga kwhanganira iryo ko igahana Faustin ku giti cye ariko Agatikamwemera ndetse na guvernema ye, buryo bwa Politique. Nyamara iki cyatubabaje nuko Agatha atigagezeza kwegera Bureau Politique i ayibwire ati barwanashyaka ibi byangwiririye, bangize Ministre w'intebé bintunguye sinashobora kuza ngo mba mbaze Bureau Politique icyo ibitekereza none mugerageze kunyumva muri abakuru.

# Twagiramungu y'ntukanwe muri MDR none ngo agiye gushinga iye bwite !

Aho kugirango akore ibyo, kandi bose abagize Bureau Politique bari biteguye kumwakira ndetse bakamushyigikira ahubwo ikazihania Faustin wihaye kwitiranya ishyaka n'akarima ke, nuko Agatha araruca aranuma, atweraka ko aturenze ko mbese asa n'uwaveze muri



Paradizo nuko tubibonye dutyo Bureau Politique ifata icyemezo cyo kutajya muri guvernema.

Ari nayo mpamvu mu gihe twari mu nama Agatha yatelefonnye NGURINZIRA wari Ministre w'Ubabanyi n'Amahanga amubaza niba yamwemerera gukomeza kuba Ministre w'Ubabanyi n'Amahanga undi ati banza ubaze Bureau Politique ubwo abaza NDENGEJEHO Pascal wari Ministre w'Intangazamakuru niba yemera gukomeza kuyobora iyo Ministeri undi aramubwira ati simbyanze ariko mbere yo gukomeza ngomba kubanza kumenya icyo Bureau Politique ibivugaho.

Ngaho aho ikibazo cyaturutse Bureau Politique ya MDR ivuga ko iyo guvernema y'Agatha itazayijyamo kubera ko yitwa ngo ni umuntu wa MDR kandi atariyo yamutanze.

**KANGUKA :** Wakomeje kuvuga bureau politique, bureau politique, nyamara nyuma yo kwimikwa kwa Agatha amadiskuru yavuzwe ari iya prezida w'ishyaka ari iya Agatha ndetse n'abaministre be basobanuye ko iyo Bureau politique yafatiwemo biriya byemezo itemewe bitewe n'uko yateranye mu buryo butemewe n'amategeko. Ni ukuvuga ko itatumiwe cyangwa ngo iyoborwe na Prezida w'ishyaka kandi ahari ndetse nta n'uwo yatumye

kumusimbura; ibyemezo byafatiwemo byose bakaba bavuga ko nta gaciro bifite. Nawe niko ubumva ?

**N. Eliezer :** Abavuga ibyo ni abatazi politique, ni abatazi amategeko. Ni abashaka kubyumva cyangwa se bigiza nkana. Bureau politique se, ni iki, si abantu bayigize ?

Abo bantu rero bayigize iyo bateranye bakagera kuri quorum (umubare wemewe n'amategeko) ni kuki ibyemezo bafata bitagira akamaro ? None se iteranye, iyacu yo igizwe n'abantu 44. Abo 44 bateranye ntibashobora kurema inama ? Baramutse bari munsi ya quorum (abantu 27) ibyemezo byafatwa ngo kubera ko yatumiwe na Prezida ? Iyacu rero yarateranye kandi yujuje umubare w'abagenwe n'amategeko. Amategeko atugenga yemera ko  $\frac{1}{3}$  cy'urwego urwo arirwo rwose gishobora gusaba ko inama iterana. Kimwe cya gatutu cy'abagize Bureau Politique bishyize hamwe ndetse bari barenze kuko hasinje abantu 22 kandi  $\frac{1}{3}$  cya 44 ni 15. Icyo  $\frac{1}{3}$  rero bishyize hamwe babona amakosa Faustin yakoze basanga hawkiye gutumirwa Bureau Politique bamwandikira ibarwa ngo atumire inama iyo barwa arayisuzugura aterera agiti mu ryinyo. Nibwo vice-prezida wa mbere NSENGIYAREMYE Dismas ayibonye na Murego Secretaire biyemeza gutumiza inama. Faustin niba yarahisemo gusuzugura abagize Bureau Politique ntabwo abantu bose bashobora kubasuzugura. Niyo mpamvu nk'uko biteganywa n'ingingo ya 60 ya statuts za MDR igira iti: "Mu nzego zose z'ishyaka abantu batowe bakurwaho n'icyemezo gitowe n'inama yahamagajwe bisabwe byibuze na  $\frac{1}{3}$  cy'abayoboke bagize urwo rwego. Abayobozi batowe bakurwaho n'icyemezo gitowe n'inama yahamagajwe bisabwe nibura na  $\frac{1}{3}$  cy'abayoboke bagize urwo rwego". Abantu 22, ni ukuvuga barenze  $\frac{1}{3}$ , ahubwo ni  $\frac{1}{2}$  basinye ibarwa itumiza inama nk'uko biteganywa n'iriya ngingo ya 60, inama irakorana ndetse ifata icyemezo cyo guhagarika Twagiramungu Faustin ku buyobozi bw'ishyaka. Wowe se niba wemera amategeko iyi ngingo urabona idahuje n'ibyemezo byafashwe na Bureau Politique ?

**KANGUKA :** Dukurikije ibyo umaze kunsomera ibyo mwakoze bikurikije amategeko ariko undi nawe aragira ati mfite ingingo zimpesha uburenganzira bwo kwanga ibyemezo byanyu ?

**N. Eliezer :** Iyo ngingo ntayiba muri

Statuts za MDR ahubwo hari ivuga ko iyo Prezida adahari asimburwa na Visi prezida kandi nakubwiye ko tumaze kwandikira prezida tukamubura Visi-prezida yatumije inama arangije aranayiyobora.

**KANGUKA :** Hari abibwira bati mu gihe inama yari ikoranye hakurya hariya mu Rugwiro taliki ya 16/07/93. Faustini Twagiramungu yabwiye Dismas na Murego ngo bafatanye gutanga uriya mukandida bamutera utwatsi ndetse bamwe bakanongeraho ko Dismasi yivugiyiwe ubwe ko azakora ibishoboka n'ibidashoboka nashaka azanambare rugabire ariko akomeze ategake ahangane n'abamurwanya. Ngo ikaba ari nayo mpamvu yatumye Faustin afata kiriya cyemezo kuko yabonaga abo bagabo bikurikiraniye inyungu zabo bwite aho kureba iz'igihugu cyose. Iyo byo hari icyo ubizhi ?

**N. Eliezer :** Iyo bavuga ko Dismasi yaba yaravuze jye ntabyo nigeze numva kandi n'uko muzi ntabwo ari umuntu wavuga ibyo. Nsengiyaremye ni umuntu w'umugabo ukwiriye icyubahiro kandi n'umugabo ushyira mu gaciro. Ikindi ntashobora kuvuga ibyo kuko atariwe utegeka Bureau Politique. Igihe cyose iyo bureau izashakira ndetse n'ubu ibishatse yareka kuba ariwe itangaho umukandida kuri uriya mwanya bigaragaye koko ko afite amakosa. Uretse n'ibyo kandi uzi ko uriya mugabo asanze ari ngombwa, ndabivuga kuko muzi neza, ubwe ashobora gefata icyemezo cyo kureka uriya mwanya kugirango amakimbiran ahagarare kandi igihugu kigire amahoro. Nanone ariko nkwibutse ko agomba kubanza kubisaba bureau politique ikamwemerera cyangwa ikamwangira. Iyo rero byo kuvuga ngo yavuze atya n'aty, ntabwo Nsengiyaremye yabikora kuko azi amategeko y'ishyaka. Aziko n'uwo mwanya atawuriho kubwe ahubwo abikesha bureau politique yo yamutanze kandi ikaba ishobora kubihindura igihe cyose yabona ari ngombwa. Iyo rero ndemeza ko Nsengiyaremye anyuranje n'ibyifuzo bya bureau politique yabihaniwa. Yenda Twagiramungu we yabikora ariko Dismasi ntibishoboka.

**KANGUKA :** amashyaka ari muri gouvernement yose ndetse n'igice kimwe

# MDR PARMEHUTU 1993 ?

cy'iryanyu yanze ko yatangwaho umukandida wa Ministre w'Intebe mu nzibacyuho itaha. Mwebwe mubona gukomeza gitsimbarara ku muntu umwe kandi hashobora kuboneka abandi atari uburyo bwo kudindiza demokrasi mu gihugu cyacu ?

**N. Eliezer :** Twasabye ayo mashyaka yose kutwerekwa icyo banenga umukandida wacu ngo tucyige mbere yuko dufata ikindi cyemezo babura icyo bavuga gifite ireme. Ugasanga rero mu by'ukuri ku mwanga atari uko bafite icyo bamuhora ahubwo aruko bamwangishijwe. Kandi n'umumbangisha ntabbwira icyo amuhora. Niyo mpamvu ndetse batangiye gutahura ko abayobozi b'ariya mashyaka yagiye yikoma Dismasi ari abantu bafite ibyo baguriwe kugirango bafashe Habyarimana. Simpamya ko MUGENZI, GATABAZI cyangwa NZAMURAMBAHO aribonbanze NSENGIYAREMYE ahubwo yanze na Habyarimana kubera impamvu nawe uzi. Iby'aribyo byose urakurikira uri umunyamakuru, noneho asaba MUGENZI kumuvangira. N'ikimenyimenyi yaramugororeye. None se, ko ubizi Habyarimana yari yaranze ko MUGENZI aba Ministre ngo kubera imiziro afite, wambwira niba muri aya mezi abiri ashize ya miziro ya Mugenzi hari aho yagiye ? Arabizi ko akiyifite ariko ni nka ruswa ya muhaye ati rwose nyangira Nsengiyaremye nanje noneho nzakwemerera ube Ministre w'Ubucuruzi n'Inganda. Kimwe na GATABAZI uwo nawe ni UMUKOMBOZI kandi imyifatire yabo nawe urayizi. Cyangwa se reka mukubwire kuko byaba byiza ko mukubwira, uriya mugabo yaradutangaje. Akimara kuba Ministre w'imirimo n'Ingufo uziko uriya mukwe wa Ponts et chaussées bamurega ko yaba yaranyereje byinshi muri kiriya kigo, Gatabazi hamwe n'abandi ba Ministre bashaka ko ibantu bihinduka bari muri guvernema bemeza ko uwo Ntirivamunda agomba kuvaho agasimburwa n'umurwanashaka wacu BICAKUNGERI. Aba Ministre bo muri

MRND barabyanga ariko GATABAZI araguruka arahagarara ubona rwose ko yifuza ko avaho. None ubu ngo yarongeye yiyunga n'uwo muhungu ku buryo ahubwo ubu ngo baba bari mu minsi mikuru yo kwizihiza ubwo bwiyunge bwabo. Iyo myiyungire yabo rero nawe uzadukurikiranire utubwire niba Gatabazi yarasanzwe uwo baramubesheraga kubyo bamuregaga cyangwa se hari uburyo babiziranyeho.



Bo Minisitiri b'intebé Agata na KAMBANDA bahave icyubahiro kingana muri Congrès. Bo

Erega bariya bantu mu by'ukuri ntabwo ari gusa !

**KANGUKA :** Urateganya yuko byagenda bite ibantu bikomeje kumera nk'uko bimeze ubu, imitwe y'abantu igakomeza kurega ndetse tugize Imana n'amasezerano ya Arusha agasinywa bariya bari muri guvernema akaba aribo bajya no mu yaguye batitaye ku byemezo byanyu urumva mwakora iki mu rwege r'ishyaka ?

**N. Eliezer :** N'ubwo nakubwiye ko iyi guvernema iriho yagiye ku buryo bwemewe n'amategeko, wibuke ko bureau politique yacu yiyemeje ko itazayishyigikira. Icyo ni icyambere. Uti ese ko ejobundi bazasinya ? Ni basinya. Natwe twifuza ko basinya. Nibamara gusinya iriya guvernema izaba icyuye igihe noneho tujye mu yindi guvernema yaguye irimo na FPR-Inkotanyi. Amasezerano avuga ko Ministre w'intebe azaba ari uwa MDR kandi tuzaba dufitemo n'izindi Ministère. Ubwo rero uretse ko yenda Habyarimana yashaka gutinza ibantu, mu masezerano y'Arusha bavuga ko mu minsi 30 nyuma y'ishyirwa ry'umukono ku masezerano guvernema nshya izahita ijyaho. Niba rero koko amasezerano asinywe mu mpera z'uku kwezi mu mpera z'ukwa munani iyi guvernema iriho izaba icyuye igihe. Ni ukuvuga ko izaba ikoze ukwezi kumwe n'ibyumweru bibiri. Ubwo rero nibwo

tuzahita dufata, imyanya twinjire n'guvernema idafifitse kandi tuge ducyuye. umuhigo dufite ishema. Iyo rero tutayigiyemo ntacyo bidutwera Habyarimana rero na bariya bafatany kuyobia abanyarwanda baribeshyia kubatazi umuvuno tuzabakinira mahindura uko uteye ! ...

**KANGUKA :** Biragaragara ko ugushwana no kutavuga rumwe kw'amashyaka yanyu yari asanzwe ari muri oposition bigenda birushaho guhimbagara Habyarimana ndetse bamvakaba bafite ubwoba bw'uko ashobon kubiheraho akigira ikinani birengeje ukw' yari ameze mbere y'ivuka ry'amashyaka Nawe niko ubibona ? Umuti wabyo s'waba uwuhe ?

**N. Eliezer :** Ntabwo aritwe twamuhaye izmbaraga ahubwo yazihawe n'abategetsbamwe ba mpemuke ndamuke, yazihawena Twagiramungu watugambaniye yazihawe na Gatabazi yazihawe na Mugenzi biyunze yaramwiciye umuvandimwe none akaba anamuhumye amasó amuha kuyobora Ministeri y'amezibiri ngo akunde acururuke. MDR rero yonta mbaraga yamuuhaye uretse ko nta n'icyo ipfa nawe cyane kuko ari umunyarwanda kandi akaba n'umutegetsi. Icyo dupfa ni amakosa akora gusa, ni uburyo yayoboye ighugu nabi nti tubishima. Izo n'baraga rero yahawen PSD na PL twebwe nti zidukanga na gahoro. Reba 19

# YA CONGRES YA MDR YARASHYIZE IRATERANA

Kuwa kane ni mugoroba mu matangazo twumvise ko congres ya MDR yari iteganyijwe itakibaye bitewe n'uko prefet w'umugi Renzaho Tharcisse yasanze iramutse iteranye umutekano w'umugi waba mucye. Bucyeye twumva abagize Bureau Politique ya MDR bati iraba byanze bikunze kandi iraba saa munani ibere ku Kabusunzu h'i Kigali. Saa munani abanyamakuru ba Kinyamateka, Imbaga, La releve, Ijambo n'abandi haburagamo ab'Isibo na Radio-Rwanda. Isibo yo yasobanuye ko kuba ishyigikiye Twagiramungu itashobora kuza kureba aho bambika ubusa umuntu wabo bahisemo kuzabibarirwa. Radio-Rwanda yo ngo yarahageze batinze kwinjiza umunyamakuru wayo arivumbura arigendera.

Twegereye NKEZABERA J.M.V. Vice-Président wa mbere wa MDR Kigali-Ville atubwira uburyo babyitwayemo ngo bashobore gukuraho icyemezo cyafashwe na Prefet Renzaho afatanyije na Twagiramungu.

Twibutse ko mu ma saa ine za mugitondo Twagiramungu na Renzaho bari bohereje abasirikare bagera kuri 30 bamwe bita anti-éments bamwe barasa ibyuka bihuma amaso kubaza abari bujye muri congres kwinjira mu kigo "IWACU KUKABUSUNZU". Bamaze kuhagera bafunze umuryango, hashize akanya gato haza ama minubus atatu yuzuye aba JDR batari bo (de faux JDR) basohokamo bakubita abantu bose bari abo biba ibikoresho byose byari mu modoka ya RWANDATEL yari ije gukora telefoni za Centre IWACU. Hashize akanya haza capitaine Leandre azanye télégramme ya Etat Major ya Gendarmerie ivuga ko congres igomba kuba kandi ikabona aba GD bahagije bo kubahiriza umutekano. Twahageze abo ba GD bahari uretse ko mu nzira hari hihishe ayo amabandi yategaga amamodoka agiyeyo akayatera amabuye. Niko bamenaguye ibirahuri bya BENZ ya KARAMIRA ariko akanga agakomeza akagera mu nama we na Murego we.

**NKEZABERA** : Iyo congres kuvuga ko idakurikije amategeko nk'uko prefet yabivuze ni ukubeshya. Namwandikiye ndi 1<sup>er</sup> Vice president wa Kigali-Ville kuko aritwe dusanzwe dutegura congrès

kugirango mumenyeshe ko hari congres adushakire aba GD bo kwubahiriza umutekano. We yashubije avuga ko akurikije itegeko rigenga imyigaragambyo ku mianda cyangwa amanama agenewe abantu bose afatamo ingingo zemeza ko anyimye uruhushya rwo gukora imyigaragambyo. Nanje nahise nsubiza mubwira ko ibyo dushaka gukora ntaho bihuriye n'imyigaragambyo ndetse ikaba atari na Muting (réunion publique). Yarongeye ansubiza agaruka kuri iyo ngingo ariko noneho yongeraho ko nta burenganzira afite bwo gutanga ubwo burenganzira ko bisabwa Ministre wa Intérieur ariwe urebana n'imyigaragambyo ihuriweho n'abaturutse mu mpande zose z'u Rwanda. Nonjeye kumusubiza mubwira ko congres itandukanye kure n'imyigaragambyo kandi ko niba atabizi, akwiye kuzasubira mw'ishuri akiga igifransa. Ndakumenyesha kandi ko ngomba kuzamushyikiriza urukiko kuko yanyujije ibinyoma kuri Radio Rwanda kandi akabuza aba congressiste bacu kuza. Agomba kuzatwisyura amamodoka yacu yose twohereje gushaka abo bantu ngo tubamenyeshe ko ibyo Renzaho yatangaje ari ibinyoma.

**KANGUKA** : *Mu kanya saa sita na 45 Radio Rwanda imaze gutangaza ko inama ya guverinema imaze kubona umukandida uzaba Ministre w'intebé mu nziba cyuho yaguye ho Twagiramungu Faustin akaba ariwe watanzwe na MDR ku buryo bwemewe n'amategeko. Mwe muteraniye muri iyi congrés ibyo bintu mwabyakiriye mute ?*

**NK. JMV** : Uwo mukandida aho guvernema yamukuye simpazi. Hashize iminsi itarenze ibiri Bureau Politique ya MDR yatanze umukandida ho Kambanda Yohani. Ubwo rero uwo wundi aho yavuye uko turi aha twese hatuyobeye. Yego iriya guvernema yemewe na constitution. Iriya guvernema MDR ntiyirimo. Ibyo ntibkiye gutuma aba Ministre bayirimo bamwe biyitilira MDR. Tukaba duteraniye hano muri iyi congres kugirango hemezwe ibyo Bureau Politique yari yafasheho ibyemezo. Kuko biragoye kugirango Bureau Politique yirengagize iterabwoba Twagiramungu'abamubeshya ngo baramutera inkunga bakoze mu mpande zose z'ighugu bagamije



NKEZABERA J.M.V. ati Faustin nadutsinda nzawa muri MDR nshake ahandi njya.

kuburizamo iyi congres maze ngo ibirengeho imuhe imbabazi.

Congre yatangiye imirimo yayo saa kumi ibura cumi n'itanu. Nyuma y'iminota 30 tubona Ministre w'intebé Agatha arinjiye afite isoni nyinshi amashyi ngo kaci kaci baramuhobera abandi baramusoma bamushimira kuba yemeye gusohoka mu nama ya Leta akaza kwifatanya n'abandi. Abensi bemezagé ko ari busabe imbabazi byaba ngombwa akanareka umwanya wa Ministre w'Intebé, akishyira mu maboko ya congres. Yatangiye hari abarwanashyaka bagera kuri 210. Abagize congres bose hamwe ni 295. Abemewe n'amategeko kugirango iterane ni 180. Abari aho bose baba indorerezi baba abanyamakuru baba abagize congres wasangaga bamagana ibyo Twagiramungu yakoze bagira bati yishyizé hejuru nk'akaguru kambaye ubusa yiha gufata ibyemezo ngo birengera inyungu z'ighugu nk'aho aricyo abereye prezida.

Mbere y'uko congres iterana Twagiramungu yatelefonnye ku Kabusunzu yiyita NTAZINDA abaza niba congres yatangiye yitabwa n'umukongresiste umuzi aramubwira ati "twakumenye NTAZINDA we, nushaka ureke kuyizamo ntibiyibuza kuba".

Dore uko bitabiriye congres hakurikijwe za perefegiture.

Kigali-Ville 9, Kigali-ngali 21, Gitarama 31, Butare 31, Gikongoro 21, Cyangugu 2, Kibuye 10, Gisenyi 21, Ruhengeri 30, Byumba 18, Kibungo 14. Abaje nyuma ntitwashoboye kumenya ama perefegitura baturutsemo.

RAVI

# **COLONEL SIMBA ATI SINDI UMWICANYI KANDI SINANGA ABATUTSI**



*Colonel SIMBA Aloys ubu ni Depute mu nama y'igihugu iharanira amajyambere akaba ari umusirikare ubu uri muri pansiyo. Kuva aho intambara itangiriye yakunze kuvugwaho byinshi bifitanye isano n'ubwicanyi no kuba muri ESCADRON DE LA MORT, kuba ayobora ibikorwa bibi by'INTERAHAMWE ndetse twaje no gusoma mu binyamakuru byo hanze ko yaba yarahawe mission yo kujya kugambanira abanyarwanda bahungiye muri Zaïre iyo za MASISI ngo abazayirwa babice banabirukane muri Zaïre batazashobora gucumbikira Inkotanyi no kuzoherezamo abana babo. Dore uko journal le VOLCAN du 15/07/1991 ibivuga: "La plus scandaleuse est l'affaire du Colonel Alois NSIMBA (de son vrais nom Nyabusimba, parce qu'il figure au palmarès de l'Athéné de Bukavu) arrêté à RUTSHURU sans aucun papier l'autorisant de circuler dans un pays étranger, en uniforme militaire, armé jusqu'aux dents et porteur des devises fortes. Bénéficiant de la couverture de certaines personnes, parmi lesquelles M. Kanyarwanda Cléophas Directeur Général de la B.D.G.E.L, on le laissera partir bonnement". Ku bw'izo mpamvu zose rero byatumye turnwegera tumubaza impamvu yemera kwisiga amaraso kandi ari umuntu mukuru wiyubashye ufite umuryango, nuko nawe ati NDABIHAKANA.*

**KANGUKA :** Colonel SIMBA uri umuntu mukuru uri no mw'ishyaka rya MRND wabonye byinshi ariko ibiriho muri iki gihe mu rwego rwa politique sinzi niba hari ubundi wabibonye. Twagirango uduhanure utubwire uko ubona iyi gouvernema imaze iminsi mike ishyizweho ndetse utubwire n'imyifatire y'ano mashyaka muhanganye (ya opposition) muri rusange niba wowe ubona ari icyiza ategurira abanyarwanda ?

**C. S. Aloys :** Ibyo nshobora kuvuga ndabivuga ku giti cyanje sindibuvuge mu mwanya w'ishyaka ryanje MRND kuko ritantumye kandi nkaba nta nabishinzwe. Ndakubwira nk'umunyarwanda wese ureba ibantu akaba ashobora yo abivugaho. Iriya guvernema me Agatha yagiye ku buryo n'amategeko kandi ijyaho yose ari muri guvernema amaze ku byumvikanaho, kuburyo rero jye mbona ntacyayibuza kuzagera ku nshingano zayo nta nkomyi. Abantu rero bavuga ngo yenda ntibishoboka bashobora

kuba bibesha kuko prezida w'ishyaka yagiye gefata kiriya cyemezo aruko nawe yizeye amaboko mu bantu bakorana mw'ishyaka cyane cyane ko yahisemo kudacréa (créer) abashomeri mw'ishyaka ryabo arekura za Ministeri zashoboraga guhitwa zifatwa n'abandi bityo ishyaka rigasigara rikina politique yo mu kirere. Byari ngombwa rero ko iyo guvernema ijyaho kugirango ishobore gusinya amasezerano y'amahoro na FPR. Abavuga



*Colonel SIMBA ati iyo mba nanga INKOTANYI simba narazishyingiye.*

rero ko bidashoboka ndakeka ko bibesha kuko hari MDR y'Ishyaka na MDR Parmehutu ari nayo idashaka amahoro ahubwo igakomeza gutsimbarara ku muntu umwe ariwe Dismas Nsengiyaremye kandi abo bagomba gukorana batamushaka. Bariya rero bavuze ngo baciye Twagiramungu na Agatha mw'ishyaka baribesha kuko nizera neza ko ni bigera mu rwego rwa congres bazakorwa n'isoni.

Niyo izemeza ufite ukuri kandi nawe urumva neza ko ari Faustin. Biriya ni ukwihuta kwa MDR Parmehutu kuko basa n'abakererewe noneho bati reka duce abantu. Nta ngufu bafite rero kuko iyo baza kuzigira ubungubu baba baragiye mu muhanda bakigaragambya. Kuba barabuze abantu babashygikira rero ngo bavuge bati iriya guvernema nti tuyishaka urumva

# COLONEL SIMBA ATI SINDI UMWICANYI

muri Zaïre ngo nnyanye amafranga ngamije kwicisha abatutsi no kubabuza kujya mu Nkotanyi. Ngo amafranga nnyanye aho kuyakoresha neza ahubwo nkayakubita ipoche. Aho rwose waribeshye, d'abord nta mafranga bampaye, kandi icyo gihe ndumva nta troubles (imiyumbagatanyo) yabaye mu banyarwanda batuye muri Zaïre ubwo nnyagayo. Ibi by'ejobundi byabaye ku banyarwanda baba muri Zaïre nti bindeba kuko mperuka muri icyo gihugu muri 1991. Abanyomekaho ibantu bibera muri Zaïre ubu barambeshye rwose. Nta nyungu na ntoya mfite yo kuba natuma abanyarwanda barengana cyane cyane abatuye hanze y'igihugu. Jyewe icyo nshyigikiye ahubwo n'uko abanyarwanda bashobora gutura mu bihugu byo hanze. Ndetse najye ubwanje narabigerageje nti byanshobokera uretse ko ubu aho muri Zaïre mpafite isambu.

## DUKORA COUP D'ETAT TWARI TUGAMIJE UBUMWE N'AMAHORO ARI NAYO NTEGO YACU MURI MRND

Ikibazo cy'abahutu n'abatutsi kirandeba. Ntabwo naba narasubiye muri MRND nkurikiye iyo ntego kuko nta n'ahandi nyisanga mu yandi mashyaka ngo mpindukire n'ye kugambanira abavandimwe nicisha abatutsi. Ntacyo mpfa nabo rwose kuko n'ikimenyimenyi nashyingiranye nabo. Aba MDR bigeze kundega ngo nashyingiye Inkotanyi ariko kuri jye ibyo ntacyo bivuze umunyarwanda ni kimwe n'undi. Sinajya rero gutera ibuye aho najishe.

KANGUKA : Ubwo mperuka mu Bubiligi mumpera z'umwaka ushize nasanze bamwe mu banyeshuri baho baguteraho urwenya ngo ukimara kumva ko umukobwa wawe w'imfura SIMBA Marie Rose yatahye ku musore w'impunzi-Nkotanyi wagiye iwabo aho batuye n'amahane menshi ushaka kurasa umukwe wawe ngo yakurongoreye umukobwa utabizi agukizwa n'uko yaciye mw'idirishya inyuma agahunga nuko ubwiye umukobwa akubwira ngo urukundo ntirubamo abahutu, abatutsi cyangwa Inkotanyi. Ngo washatse umwuriza indege ngo umugarure birananirana. Urumva kugira amahane kugeza n'aho ujya kurasa umukwe wawe bitagayitse ? Niba atari byo se bikaba ari ukuguharabika ukeka ko abo banyeshuri bo mwaba mupfa iki byatuma

babikugerekaho ? Est-ce que c'est vraiment plus que gratuit ?

C. S. Aloys : Ça c'est vraiment plus que gratuit. D'abord kuba narateye umukwe wanje i Burayi akancikira mw'idirishya kandi atuye muri étage, ibyo nawe urumva ko bidashoboka. Yari kugwa hasi agapfa cyangwa akavunika. Ikindi sinshobora kuvana imbunda ino ngo nyijane mu Bubiligi ngo ngyiye kwica umukwe wanje. Nta n'ubwo nayigezayo batarayinyambura. Nta n'ahandi hazwi kandi naba narayiguriye wenda ngeze muri icyo gihugu. Ikindi abana bameranye neza. Nta mpamvu rero zo kwiyicira umukwe zihari ahubwo mbishoboye namufasha. Icyo rwose ni igihimbano. Ahubwo ibyiza n'uko mwazamwibariza yenda ukuri kwamenyekana. Naho ibyo byo muri Zaïre ntekereza ko hariyo abanyarwanda bashobora kuba batanyumva cyangwa se banziza ishyaka ndimo kuko ryitirirwa Habyarimana. Hari n'abandi ino bavuga ngo nagiye mu kazu. Ni nk'abo bose rero, kw'isi ntawe unogera bose, bagenda banduza izina ryanje hirya no hino. Ibyo by'abanyarwanda bo muri Zaïre bahohotewe byarambabaje cyane kubona guvernema ya Zaïre bahohotewe byarambabaje cyane kubona guvernema ya Zaïre ntacyo yakoze ngo ibarengere bakicwa urw'agashinyaguro, birababaje rwose n'ibyo kamaganwa. Abo bantu rwose batuye mu gace k'u Rwanda abazungu bometse kuri Zaïre. Nti bahava rero ngo babone ahandi bajya. Ahubwo mwe mwandika ibinyamateka mukwiye kubitangariza amahanga agatabara abo bantu barengana ; byaba ngombwa bakadusubiza igipande cy'igihugu cyacu bometse kuri Zaïre tukabona tukabasubirana nibababashaka. Reka rero mbonereho nsabe abanyamakuru ; nanje nahoze ndiwe, ko bakwiye kureka kujya bahimba ibantu ngo babiture aho kuko ibyo ari ukuyobya abaturage. Ubundi umunyamakuru w'ukuri ni uriya uyobora abaturage ababwiza ukuri kw'ibyabaye, mbese akavuga icyo azasubiramo ntabeshye ; kuko kubeshya uri umunyamakuru n'icyaha gikomeye cyane kurusha kurasa umuntu.

KUBESHYA URI UMUNYAMAKURU NI ICYAH A GIKOMEYE CYANE KURUSHA KWICA ABANTU

Kuko iyo wanditse ibantu ubeshya bishobora gutuma nk'iyi ntambara turimo idahagarara ndetse n'izindi zikazarota kubera ubwo bubeshyi. Abo bantu rero nongere nsubiremo barambeshye, emwe sinzi n'icyo dupfa, niba ari ishyaka ryanje banziza simbizi. Uzi ko abantu babanje kuryanga ariko ubu urabona ibikosa by'ariya yitwa ko ari muri opposition bizatuma abantu babona ukuri kwa MRND bagaruke bose uko bagiye.

KANGUKA : Utekereza iki ku kwinjira kwa FPR muri guvernema ?

C. S. Aloys : Nizere ko ibyo ivuga aribyo. Ngirango yabonye ko ibyogufata ubutegetsi ikoreshje intwarz byayinaniye. Niba rero koko ishaka amahoro nibwira ko bishoboka gushyirahamwe tukubaka urwatushaye buri wese akazana umuganda we undi uwe tugahiriza hamwe.

KANGUKA : Muri uko gushyirwa mu majwi kwave hanavuzwe yuko waba uri umwe mubagize umutwe wa ESCADRON DE LA MORT wa mutwe w'abicanji ba Habyarimana. Waba ukiyirimo cyangwa wayisezeyemo ?

C. S. Aloys : Iyo Escadron de la mort jyewe sinyemera ahubwo mbona ari baringa. Nawe se, ubona iyo iza kuba iriho yari kwica GAPYISI aho kwica abarwanya ubutegetsi ? Jye rwose mbona buriya Gapyisi yarishwe n'abantu bafite inyungu yari abangamiye urugero nka

FPR kuko we, yagiraga ati sinshyigikiye abantu bashaka gufata ubutegetsi ku ngufu. Abandi ni nka bariya ba parmehetu bo muri MDR kuko babonaga ariwe wenyine ushobora kubasimbura akaba Ministre w'Intebi. Abo bose rero bakoresha amabandi nta kindi. None se iyo Escadron niyo yishe abatutsi bo mu Bugesera, niyo yishe Abagogwe ? Escadron de la mort iramutse iriho koko yahera kuri bariya babangamiye umukuru w'igihugu ku mugaragaro ntiyakwica Gapyisi na Gatera-Hari benshi yaheraho...

Byakiriwe na RAVI



# COLONEL SIMBA ati : Abapolitisiye nibamarane.

## Nababwira iki ?

ko ba Nsengiyaremye b'abaparmehetu rero ntacyo bazageraho. Ibiramambu ahubwo nabonye abasore benshi b'aba JDR bakoze urugendo rwo gushyigikira Agatha na guvernema ye ! None se ko nta bakoze nk'ibyo ngo bamwamagane ?

**KANGUKA :** Ese nka buriya tugiye kubona tukabona congres iradutunguye yemeje ibyo iriya bureau politique wowe wita iy'abaparmehetu yafashe kubwawe ubona mw'ishyaka ryawe mwabyifatimo mute ?

**C. S. Aloys :** Ibyo jyewe ntibindeba ndi mw'ishyaka ryanje ibyo bibazo n'ibya MDR si ibya MRND. MDR isenyutse cyangwa ikomeje ça m'est égal. Gusa rero byantangaza congrés iramutse icishije ukubiri na Faustin kandi nawe rero atari umuswa. Ese urabona bariya ba Ministre yarinze ubushomeri na ba Cabinets babo n'abandi bategeka bazemera gutererana umuntu wabarinz kwangara akabahesha akazi ? Nti byashoboka. Kandi rero n'ubusanzwe Twagiramungu arusha Nsengiyaremye popularité. Niba rero ayimurusha ni ukuvuga ko n'abari inyuma ye bamushyigikiye. Ndetse no muri Radio y'Abongereza BBC bavuze ko Nsengiyaremye ashyigikiwe n'abantu b'i Gitarama na quelques rares Hutu bo mu Ruhengeri mu gihe Agatha we ashyigikiwe n'abantu bo muri Sud bose harimo n'abo muri prefecture ya Prezide wa Parti (Cyangugu). Ni ukuvuga rero ko iriya guvernema y'uriya mutegarugori ifite amaboko muri MDR kurusha NSengiyaremye na équipe ye y'Abaparmehetu.

**KANGUKA :** Hashize nk'ukwezi kumwe MUGENZI wa PL yangiwe kuba Ministre w'Ubucuruzi n'Inganda bitewe n'uko Prezida wa Républika yagiraga ati afite imiziro myinshi itatuma aba Ministre. None ejobundi aba aramusinyiye kandi uwabwiye abanyarwanda ko afite imiziro ntiyigeza ababwira ko bamubeshyeraga ! Kwuriya kwivuguruza kwa prezida na Mugenzi ubona ntacyo bihishe inyuma ?

**C. S. Aloys :** Abavuga ko harimo ikintu gisa n'ubugambani byo ni ukubeshya kuko uretse na Mugenzi, kuko ubwo ndumva bisa no kuvuga ko yahawé amafranga, uretse uwo rero nta n'undi prezida yaha amafranga. Yahabwa

abayoboke ba MRND mbere y'abo bandi. Kuvuga ngo arivuguruza jye simbyemera ahubwo twabyita politique kuko igithe hari impamvu zituma prezida wa Republika agomba kurengera inyungu za rubanda (intérets Supérieures de la Nation) ashobora kwirengagiza ibantu bimwe yashoboraga gufatira ibyemezo binyuranye mu bihe bisanzwe. Na hariya rero ntekereza ko ariko byagenze kuko iriya guvernema yashoboraga kugira ibibazo iyo badashyiramo Mugenzi wenda ikaba yatinda kujuhaho hakavuka impaka nk'uko byagenze ubushize kandi dukeneye ibyihuta. Ntabwo rero bivuga ko yabaye umwre ahubwo ni ukudohora kwa prezida kugirango ashobore kurengera inyungu za rubanda.

**KANGUKA :** Mu ntangiriro z'uyu mwaka mw'ishyaka ryawe MRND mwakoze imyigaragambyo mufunga imihanda murasenya murasambura ngo musaba iseswary'amasezerano y'Arusha. Mbere yo kuyihagarika mwavuze ko musubitse muzasubira nyuma abashyikirana baramutse batemeye iryo seswa. Ese ko kugeza ubu uko bigaragara ayo masezerano atagisheshwe ndetse no gusubirwamo bikaba bitakiri ngombwa mwaba mwitegura gusubira mu myigaragambyo ryari ngo abanyarwanda begeranye ibizabatunga muri icyo gihe muzayimaramo ? Gouvernema se yo mwaba mwiteguye kuzayijamo ?

**C. S. Aloys :** Ndagusubiza mw'izina ryanje ariko icyo kibazo cyari gikwiye kubazwa abayobozi b'ishyaka. Jyewe rero uko mbona, politique yose iba ifite icyo igamije. Ayo magambo twayavuze ari politique kandi amagambo ya politique ashobora guhinduka bikurikiye inyungu z'ishyaka. Ni nka kuriya kwa Twagiramungu wabonye ko aho kugirango akine "La chaise vide" (gukinira inyuma y'ikibuga) yafashe icyemezo cyo gushyira ishyaka rye muri guvernema. Natwe ishyaka ryacu rero kugeza ubu twemeza y'uko ni tubona bifitiye akamaro ishyaka ryacu iyo guvernema tuzayijamo. Ubwo ntabwo wavuga ngo tuzaba twivuguruje kuko twavuze ko tutazajyamo kubera impamvu zariho icyo gihe. Niba izo mpamvu zikiriho ubwo tuzakomeza umugambi wacu, niba kandi zitakiriho tuzahindura. Uretse ko dushobora no guhindura n'ubwo zaba zikiriho igithe tubona aho inyungu z'abanyarwanda ziri

ari nyinshi. Mbona rero tuzajyamo noneho wenda nyuma ni dusanga nta kamaro bidufitiye tuvemo ariko tudatangiyé dukinira inyuma y'ikibuga nka biriya bya Nsengiyaremye.

**KANGUKA :** Wagira nama ki aba banyapolitiki barimo basubiranamo bikaba bidindiza demokrasi mu gihugu cyacu, ko uri mukuru ukuba warariye ingoma nyinshi ?

**C. S. Aloys :** Bariya banyamashyaka bo nta nama nabagira nibashaka bazamarane. Gusa jyewe na kwisabira abaturage kutabishinga ahubwo bakamenya gushishoza bityo bagahitamo ishyaka ry'umucyo ritari iry'abaryi n'ibahiranda. Nta gukurikira umuntu uvuga ngo ararwanya ubutegetsi bw'igitugu hanyuma kandi ngo abe ariwe ugikangisha avuga ngo arashaka gukomeza kuba Ministre w'Intebe mugihe amashyaka yose amwamagana agira ati aratubangamiye. Unyumve neza ntabwo mvuga ngo nibajye mw'ishyaka rimwe kuko ntaho twaba tuyja, ariko bahitemo ahari abayobozi bazira inenge. Naho abo banyapolitiki ni bakomeze babyice ubwo baraha ingufu ayo mashyaka y'umucyo nakubwiye.

**KANGUKA :** Mu minsi yashize wakunze gushyirwa mu majwi, cyane cyane aho intambara itangiriye, bavuga ko utumwe na Prezida Habyalimana waba waragiye muri Zaïre guteza imvururu i Rutshuru mu banyarwanda batatuye ngo kuko ariko hari indiri y'inkotanyi. Ndetse muri iki gihe haravugwa iby'ishyirwa mu bikorwa by'uwo mugambi kuko ngo ubu imirwano imaze iminsi ihabera imaze guhitana abantu barenga ibihumbi bibiri n'abandi benshi bakomeretse abandi barahunga. Ubu ngo aho bari batuye hahindutse amatongo n'ibyabo byose abazayirwa barabyigabije. Niba ibyo bakuvugaho aribyo se ubu ibyishimo byawe n'uwigutumye birangana iki kubera iyo succès. Niba ataribyo se ababivuga waba upfa iki nabo ?

**C. S. Aloys :** Birababaje cyane sincèrement kubona abantu cyane cyane nkamwe b'abanyamakuru musa n'abakora ibantu bibi mubizi. Ndetse ndahera kuri wowe ubwawe n'ikinyamakuru cyawe KANGUKA mwanyanditseho ibantu mu byita ibihuha ukavuga ko naba naragiye

# BAZARUHANYA BAGEZE RYARI ?

Ku wa gatatu tariki ya 21/7/93 Ministiri w'ububanyi n'amahanga wa Tanzaniya, Yozefu Rwagasira yagiriyi ibibazo kuri bariyeri yo mu RUKOMO rwa Byumba. Ministiri RWEGASIRA amaze iminsi mu Rwanda, ahagarariye umuhuza, kandi yaje gukomeza kumvikanisha Leta y'u Rwanda na FPR-IKOTANYI, bananiranywe i ARUSHA.

Muri ubwo butumwa rero, yagombaga kubonana kenshi n'abayobozi b'impande zombi, mbere yo guhurira bose hamwe i KINIHIRA, aba Leta y'u Rwanda yabasangaga i Kigali ab'Inkotanyi akabasanga ku MULINDI mu ndiri y'INKOTANYI.

Taliki ya 21/7/93 yagombaga kujya aho ku MULINDI kubonana n'abayobozi ba FPR, ariko abasirikare ba Leta y'u Rwanda bari kuri pozisiyo mu RUKOMO bamubera ibamba, banga ko ahita.

Impamvu ? Bamubwiraga we n'abamuherekeje (barimo Ambasaderi MPUNGWE uhagarariye umuhuza mu mushyikirano i ARUSHA na Ambasaderi wa Tanzaniya mu Rwanda, Madamu Justine MBEZI) ko nta musirikari uhari wo gutaburura bya mine abasirikare b'u Rwanda bateze mu muhanda. Abagenze uriya muhanda muri ibi bihe by'intambara, bazi ahantu abasirikare b'impande zombi basutse ibitaka muri kaburimbo, kugirango bajye bategamo bya mine, babuzanye gutambuka. Izo mine rero zari ziteze ku ruhande rw'u Rwanda ngo habura uzitaburura. Kwari ukuruanya kuko mbere y'uko izo ntumwa za Tanzaniya zihaguruka i Kigali, GOMN yari yohereje "message", ibwira impande zombi ko bari bunyure muri uwo muhanda. Uko bisanzwe bigerda icyo gihe, hombi bategura izo mine muri bya bitaka. Ikindi, mu kuri kwa gisirakare ahateze ibyo bisasu, hagomba kuba ubitaburura, mu gihe bibaye ngombwa.

Bumvishije rero izo ntumwa za Tanzaniya ko uwo "mutaburuzi" adahari, ambasaderi Justine MBEZI agira inama bagenzi be zo gusubira inyuma, kuko we amaze kumenya abasirikare bo mu Rwanda. Muribuka igihe bari bamurasiye kuri bariyeri z'i Rulindo na Shyorongi, bamwita Inkotanyi.

Byatumye rero basubira inyuma, bajya guca umuhanda w'ibitaka wa Kisaro-Miyove. Ni umuhanda muremure kandi mubi bitavugwa.

Bageze mu Nkotanyi bitinzé, bararayo kubera ko imibonano bagombaga kugiranana FPR nayo yatinze. Bahindukiye bukeye.



Abanyetanzaniya batubereye abana beza muri iyi ntambara  
Sibyo gusa !

Icyazanye Ministiri RWEGASIRA mu Rwanda, ni ukugirango afatanye n'impande zombi kugera ku byari bitarumvikanyweho i ARUSHA ; bityo bagasubira i ARUSHA bagiye gusa gushyira umukono ku masezerano. Muri ibyo batumvikanyeho, harimo ikibazo cy'umubare wa ngombwa kugirango abadepite bashyikirize urukiko rurinda iremezo ry'itegeko nshinga (cour constitutionnelle) ihagarikwa rya Perezida wa Repuburika, muri iyi nziba cyuho irimo na FPR.

ARUSHA bumvikanyeho ko hagomba  $\frac{3}{5}$ , by'abadepite.

Mu mishyikirano yaberaga i Kinihira, guverinoma y'u Rwanda yo yifuzaga ko uwo mubare waba  $\frac{3}{4}$ . Perezida HABYARIMANA yari yatumye Ambasaderi KANYARUSHOKI, umwe mu bari bayoboye intumwa z'u Rwanda aho i Kinihira ngo avuge ko Leta y'u Rwanda yifuza  $\frac{4}{5}$ . Intumwa za FPR zibonye ako gahimano nazo zishyiramo rugondihene, zivuga ko niba noneho ari ugutanga umubare ubonetse wose, bo bifuza  $\frac{2}{3}$ .

Ntanze urugero ku ntekko ishinga amategeko igizwe n'abadepite 60 hagomba iyi mibare kugirango Perezida wa republiko ashyikirize urukiko rurinda iremezo ry'itegeko nshinga :

- Arusha yifuza  $\frac{3}{5}$  :  
hagomba abadepite : 36

- FRP (ikinihira) yifuza  $\frac{2}{3}$  :  
hagomba abadepite : 40

- Guverinoma y'u Rwanda yifuza  $\frac{3}{4}$  :  
hagomba abadepite : 45

- Kanyarushoki (Na kinani) bifuza  $\frac{4}{5}$  :  
hagomba abadepite : 48

## Sibyo gusa !

i ARUSHA bumvikanyeho kugabana ubutegetsi mu bya gisirikare, kugera kurego rwa Kamanda w'ungirije umuyobozi wa batayo bagabana 50%. Iryo gabana ryagombaga kuba mu gisirikare no muri jandarumeri, kuko FPR i ARUSHA yari yerekanye ko abajandarume bagize uruhare rugaragara muri iyi ntambara ; ko iryo gabana ribareba. Byumvikanyeho i ARUSHA. Bageze i Kinihira, KANYARUSHOKI ati : "TWISUBIYEHO, iryo gabana ntirireba Jandarumori".

## Abasirikare b'Abafaransa

Ambasaderi KANYARUSHOKI yavuze ko i Kinihira ko abasirikare b'Abafaransa bose bari mu Rwanda ari abo mu rwego rw'ubutwererane hagati y'u Rwanda n'Ubuferansa (Coopérants). Intumwa za FPR zahise zumirwa zibaza impamvu Leta y'u Rwanda yasinyiye i ARUSHA ko abasirikare b'Abafaransa bagomba kuva mu Rwanda. Hazagenda se abadahari ? Leta se yasinye ko abo "Coopérants" aribo bataha ?

## Umutekano w'inkotanyi i Kigali

Mu gihe Leta y'u Rwanda yanga ko Kigali yavanwamo abasirikare ba guverinoma y'u Rwanda (babandi hambere amashyaka ya opposition yitaga aha HABYARIMANA !) bagasimburwa n'abamahanga badafite aho babogamiye, FPR yatse ko intumwa zabo zizaba ziri muri guverinoma yaguye no mu zindi

# Rwanda uragana he ?

Muri iyi ntambara FPR-Inkotanyi yakoresheje ingufu zayo z'intambara kugirango bijifashe kugera kuntego za politique. Naho leta y'u Rwanda ikoresha ingufu zayo za politiki kugira ngo igere ku ntego z'intambara.

Ku m p a n d e zashyamiranye muri iyi ntambara, FPR na Leta y'u Rwanda zirwana kuva muri 1990, mu kwezi kwa cumi, amasezerano y'amahoro ajyiye kugerwaho, azabaha uburyo bwo gusubiza amaso inyuma, barebe uburyo bitwaye muri iyi ntambara, barebe ingorane bahuye nazo, ndetse nizo bateje, wenda byazatuma iba iyanyuma mu mateka y'u Rwanda, ibaye hagati y'abana barwo.

Mbona abanyapolitike ku ruhande rw'u Rwanda baragize uruhare rwo mu rwego rwa kabiri, inyuma y'abasirikari mugufata ibyemezo bijyana n'intambara. Niyo mpamvu politike yahise yerekewa kubyo bibwiraga ko bikenewe n'intambara.

Birimo ibyemezo byagize ingaruka mbi muri politike y'ighugu. Nko gufunga abantu ntagushishoza, ushingiye ku bwoko n'uburere, n'akazi bakoraga mu kwa 10-1990. Ibyo b y o n g e r e y e u m u b a r e w'abarwanya Leta, byica isura yayo mu mahanga. Hakurikiyeho n'iycwa ry'abantu ntakirengera, za Gisenyi, Ruhengeri, Byumba, Kigali n'ahandi, ya sura ya Leta irahahuhukira.

U b w o b e n s h i mubayobozi ntibigeze babona ko ibyo byagendaga bica intege politike, ahubwo bihembera intambara n'imiborogo. No mububanyi n'amahanga, leta yaranzwe no kwikeka, no guhuzagurika mu mibanire n'i b i h u g u d u t u r a n y e . Ntiyazuyaje no gukorana n'ighugu cya bagashakabuhake b'Afrika y'Epfo, bibujjwe.

Ni murwego tw'yo

politike ishingiye ku bifasha intambara, leta yagiye idindiza imishyikirano igamiye kugarura amahoro.

Ku ruhande rwa FPR intambara yerekewje ku nyungu z'ibibazo bya politique, ingero ni nyinshi. Urugero rwambere: mu kwa cumi mirongo cyenda i Kagitumba twavuga ko kwari ugutanga icyibazo.

Urugero rwa kabiri: Mu kwezi kwambere muri mirongo cyenda na rimwe mu Ruhengeri, twavuga ko kwari ukwibutwa ko FPR ikiraho kandi iri mu Rwanda, no gufungura ba R i z i n d e B i s e r u k a , Muvunanyambo n'abandi.

Urugero rwa gatatu: Gicurasi na Kamena, za Mukarange, za Cyeru kwari ukugirango imishyikirano izemo icyubahiro, iby'ibitiritiri n'imihirimbi bikavaho.

Urugero rwa kane: tašiki 8 Gashyantare, twavuga ko kwari kubuza leta kurenga ku masezerano, guhagarika iyicwa ry'abantu za Gisenyi, Kibuye n'ahandi, no kugabanya amananiza Arusha, no gukemura ikibazo cyaho GOMN yakorera. Mu mishyikirano kandi FPR ibyo yasabaga byose byabaga byarateguwe. Ariko Leta bigasa n'ibiyitunguye. Niyo mpamvu usanga ibisubizo bya politiki, bikubiye mu masezerano b i s u b i z a a k e n s h i ibibazobyatanzwe na RPF. Ugasanga leta yibariza ibiganisha ku nyungu z'intambara. Ingero n'izi: Ngabo

abasoda ba ONU hagati ya U g a n d a n ' u R w a n d a rw'Inkotanyi.

- Nguwo umubare munini mu ngabo rusange.

- Ngiyo ministeri y'ingabo zighugu.

- Nguko kwanga gukorera aharinzwe n'ingabo z'amahanga gusa.

Umuntu akaba yakwibaza niba hejuru ya politike rusange ya Leta hatari abantu bashishikajwe ni bya gisirikare kurusha ibindi, nkaho bitegura indi ntambara, cyangwa bayikanga.

Ku ruhande rwa leta kandi,

politike irebana n'ighugu muri rusange, n'irebana n'intambara ku m w i h a r i k o , b u r i munyapolitike, ayishyira inyuma y'inyungu z'amashyaka n'ize bwite.

Ubwo twizere ko ibyo aribyo byose amaherezo ari ishyirwaho umukono ku masezerano y'amahoro y'Arusha.

Ibantu bizahinduka, igitugu kiveho, umuntu yubahirwe ubushobozi bwe. Kuzira ubwoko akarere cyangwa ibitekerezre by'umuntu bive mu mitegerekere y'ighugu.

Ubwo rero tuzaba tubonye ubutegetsi bushingiye kuri demokarasi, no kuburenganzira umuntu ababwa n'amategeko, bizatuma abahunze bakajya i mahanga, bamaze imyaka irenze mirongo itatu ni itatu ntawubarengera, ubutegetsi bw'ibihugu bahungiyemo, k b u b a t e r a t e r a n a u k o busimburanye, ubuvuyeho bugira buti mwaratugambaniye, ubugiyeho buti, mwakoranaga nabo duhiritse. Nizindi ngorane zijiyanu no gucumbika. Abo bavandimwe rero bazataha muzabishimire mutabishisha, mubashakemo amashuti. Urukumbuzi rusimbure inzika ni inzigo. Muyibuze kuzikura ibyahise bibi bitanakidufitiye akamaro.

Nibaza gukemura ikibazo cy'impunzi bizaba b i v a n y e h o k i m w e mubivumbikisho by'intambara z'u Rwanda.

Abazi ubwenge rero nababwira k u k o m u f i t e b y i n s h i muzuzuzanyaho, nko mu burezi, mu buvuzi, mu buhinzi, mu muco, no mu buhanga bw'ingero zose. No mu byagisirikare, ubumenyi bw'intambara ya kinyeshyamba (guerrillas) Inkotanyi zaminujemo, kubera aho zayirwanye kuva cyera, muri za Mozambique, Zimbabwe, Pakistan, Uganda n'ahandi b i z o n g e r e r e w e kubisanzwe byigirwa mu ngabo aino.




Wellars Mbaraga

Ni muhura rero mwese, ibyo muzaba mu rushanya b i z o n g e r e u b u m e n y i b w'umunyarwanda w'ej o . Nka akongereza kaziyongere ku gafaransa ababirigi badusigiye, kuko abanyarwanda bazinjira bazi ingirishi nibo benshi kurisha ababirigi baje mu Rwanda batwigisha igifaransa. Kandi rero mu gihe kiliho ubu, iyo uzi izo ndimi zombi uba ari umutuago munini.

I c y i n d i c y i z a cy'amahoro ni uko abavanywe mu byabo n'intambara bazasubira iwabo, kimwe n'abahunze ku mirenge yabo kubera umutekano muke. Twese rero banyarwanda, twime amatwi, abaduteranya bafite intego ku nyungu zabo gusa, tugasubiranamo bo bigaramiye banywa shampagne, twe tubundabunda.

Twiyame izo nyanga mahoro, zo nyangarwanda z'ukuri, ureke aba zibigerekaho zibaheshyera, zishaka kuduheza muntambara kubera kwikunda, zititaye ku nyungu z'ighugu n'abagituye. Dukunde ighugu cyacu kandi natwe dukundane



# INZIBACYUHO YA KANE :

## ibyahishwaga bira hishuwe !



Nyuma y'imyaka ibiri ishize amashyaka menshi "azutse" mu Rwanda, ni ngombwa kwibaza ku gaciro k'abanyapolitiki bacu. Guverinoma z'inzibacyuho zimaze gusimburana ari enye : iya Nsanzimana, iya Nsengiyaremye I, iya Nsengiyaremye n'iy'Uwiringiyimana Agatha. Muby'ukuri iyo dushishoje, dusanga izo guverinoma ntacyo zatugejejeho. Cyakora hari ikintu kimwe zamaraye Abanyarwanda : zaberetse ko abanyapolitiki babo bagamije mbere ya byose kurengera inyungu zabo bwite bitwaje kurengera izi Rubanda. Guverinoma eshatu z'inzibacyuho zabayeho kugeza kw'italiki ya 16/7/93 zari zarabicishirije. Iyashyizweho ejo bundi yo yarabyeruye : **A B A N Y A P O L I T I K I   B A C U   B A R I K U N D A   N T I B A K U N D A   U   R W A N D A !**

Ibyo bigaragarira mu nzego ebyiri z'ingenzi :

- 1° Gupiganirwa imyanya ku buryo bugayitse.
- 2° Kwivuguruza ku buryo buteye isoni.

Ipiganirwa ry'imyanya ni kimwe mu byaranze Guverinoma ya kane y'inzibacyuho, ndetse bikaba bishobora kuzazambya amashyaka amwe n'amwe niba bitayashenye burundi. Bireba cyane cyane ishyaka MDR rimaze kwicamo ibice bibiri. Ubwumvikane bucye muri iryo shyaka bwari bunarimazemo iminsi, usibye ko abakuru ba ryo bakomeje kurimanganya Abanyarwanda, ngo nta kibazo bafite. Babaye nka wawundi utwika inzu agahisha umwotsi ! Ubu se kandi bazongera kutubeshya iki ? Cyakora ubwumvikane bucye bushingiye ku mafuti ya bamwe mu bayobozi b'amashyaka nti burangwa muri MDR gusa. Yigaragaje mbere, ariko n'andi mashyaka natisubrahontazindakwiyambika ubusa. **URUNYOTA RW'UBUTEGETSI BUZARIKORA !**

Ubundi busembwa iyi guvernoma yerekanye n'ubwivuguruze bugayitse bw'abanyapolitiki nyarwanda.

Mwibuka mwese ko Perezida wa Repubulika ya menyesheje Abanyarwanda ko bwana Yusitini Mugenzi afite imiziro idashobora gutuma aba Minisitiri mu rwanda. Byarasakuje biratinda, biranga birananirana... Nyuma ejo bundi bati Yusitini Mugenzi abaye Minisitiri. Uwariyamwanze niwe wamwemeye, bityo yerekana ko yari umwere, akaba yaraziraga ubusa. Ahubwo yarakwiye kumuha indishyi z'akababaro ! Gusa ikidutangaza ni ukuntu umunyapolitiki wo mu rwego wa Perezida wa Repubulika ashobora kwivuguruza aka kanya. Ubwo se tuzemera nde tureke nde ? Ahaaa!...

### UMWANZURO

1° Abanyapolitiki bacu bakwiye kwisubiraho. Nibarengere inyungu z'ighugu, cyangwa bemere ko politiki ibananiye, babise abayishoboye bayikore, kuko politiki yo gukubira ku nda ntawe yananira. Byongeye kandi u Rwanda ntirubuze abanyapolitiki nyakuri uretse ko bakomeza gupfukiranwa n'abateka-mutwe !

2° Abanyapolitiki bacu ni bareke kwivuguruza. Ngo "umugabo yihindukiza mu kirago ntihindukiza kw'ijambo". Nibamenye ko Rubanda ibahanze amaso. Ese ubwo nibagumya kwivuguruza Abanyarwanda bazamenya bemera iki bareke iki ? Rahira ko aho bucyera batabakuraho ikizere burundi ?

Twibuke ko politiki atari ikinyoma, ntibe ubuhemu cyangwa ubwicanyi. Abadashaka kubyumva bazicuza amazi yarenze inkombe !

*Docteur KARAMBIZI Vénuste*

bikurikira urup. rwa. 16

nzego z'ubutegetsi zarindwa n'abasirikare ba FPR. I Kinihira, KANYARUSHOKI na bagenzi be bavuze ko nta Nkotanyi bashaka kubona i Kigali... Ahubwo izo ntumwa za Leta y'u Rwanda zirifuza ko Kigali yarindwa n'abasirikare ba ONU cyangwa GOMN ikongerwa, igakomeza akazi kayo. Intumwa za FPR ziti "ese ko ONU yarangije gutangaza ko izohereza intumwa zayo nibura nyuma y'amezi ane amasezerano ashyizweho umukono, ubwo murumva hagati aho muri ayo mezi ane bizagenda gute ?" Ngo cwe ! Bakarya indimi.

Ku birebana na GOMN yaguye, naho ntibumvikanaga. Ba KANYARUSHOKI bavugaga ko iyo GOMN yaguye yakomeza akazi nk'aki'iyambere, FPR ikabibutsa ko ak'iyambere kari ako kugenzura ko ihagarikwa ry'imirwano ryubahirizwa.

### Baba bashaka kugera kuki ?

Iyo twanditse ibi bavuga ko ari ay'abanyamakuru cyangwa se ko turi ibityso. Nyamara n'ukuri gusa. Mujya mwumva abirirwa baduhira ngo imishyikirano y'i ARUSHA igurishiye ighugu, ighaye Inkotanyi. Abo nibo baca inyuma ukuri, barengera inyungu zabo bwite, bakanga ko ibintu byagenda neza kugirango amasezerano ashyirweho umukono u Rwanda rusubirane amahoro. Rero iyo baruhanya kuriya, baba bagirango bucye kabiri, ndetse ngo bateshe umutwe Inkotanyi. Ntawabarenganya, kuko ngo umusazi aba aza ko n'abandi ari uko... Igihe cy'abo basazi rero cyararangiye. Kandi njye mfite ikizere cy'uko abanyarwanda bazishyiriraho ubutegetsi bubabereye, **b u z i r a   i n k u b a g a n y i   n k a KANYARUSHOKE** n'abamwoshyia.

### KAYIRANGA Marcellin

1er JOURNAL INDEPENDANT DU RWANDA  
B.P. 2199 KIGALI Tél. [REDACTED]

Abonnement annuel : 2.400 FRW  
EUROPE : 18.800 FRW  
AFRIQUE : 10.750 FRW  
Sur cpte B.K. - 15160-61 KIGALI  
C.E.R. 11458 - 49465-0203 KIGALI  
CREDIT SUISSE 0272-153058-50

Ravi  
RW

# DIVERS

<i>Mu Nkotanyi habayo ubucuruzi butoroshye. Mu gihe abakinnyi batera umupira, hari abakobwa ba FPR bagurishaga amakaseti (ya radiyo na videwo) n'imipira yo kwambara (T-shirt)</i>	
<i>Kasete ya radiyo</i>	: 1.000 FRW
<i>Kasete ya videwo</i>	: 10.000 FRW
<i>Umupira wo kwambara</i>	: 1.000 FRW
<i>Byeri y'i Bugande (ingana na Karahanyuze)</i>	: 300 FRW
<i>Fanta</i>	: 100 FRW

*Mu Nkotanyi kandi, amafaranga yose arakora : amazayire, amarundi, amashilingi, amadolari n'amanyarwanda*

## RPA TEAM

1. SINDAMBIWE Jean Claude
2. UWIZEYIMANA Jean Pierre
3. NYACUMI Viateur
4. BAHATI Eric
5. BEMBO-BOKE Modeste
6. UWIZEYE Emmanuel
7. GAKOMBE Pierre
8. BYAMUGEMA Jean Paul
9. HAKIZIMANA Christien
10. MUGOYI
11. NTAWUHIGANAYO
12. HABIYAKARE
13. NZAMWITA M.
14. MARARA
15. RUGUMIRE
16. RUSINGIZANDEKWE J. Marie
17. NTIRENGANYA Evariste
- 18.NSENGIYUMVA Fabien
19. UMUTIJIMA Janvier
20. GATERA Callixte
21. KABERAMANZI Joseph
22. ICYIMPAYE Aimable
23. MUTANA Athanase
24. NGABONZIZA
25. NSIMIYIMANA Innocent

bikurikira urup. rwa. 11

KANGUKA : Abayoboke ba MDR bari mu gihirahiro ubu, wabasaba kubyifatamo bate ?

N. Eliezer : Ndasaba abayoboke ba MDR kwihangana, ibi bihe bikomeye bya politique y'ighugu cyacu bakabigendamo gahoro kuko uwahubuka byamuhitana. Igihe gisigaye ni gito ya demokrasi twaharaniye ikadusesekara mo. Politiki si umukino kuko hari benshi bayijyamo bishakira indamu zabo bwite ariko abo iyo bagaragaye bafatirwa ibyemezo. Niyo mpamvu njya nibaza niba PL ibaho koko. Kuko biratangaje kubona umuntu nk'uriya ishyaka ridaterana ngo rimufatire ibyemezo n'ariya mahano arimo akora ku mugaragaro. Aba PL bagombye kwicara

REFEREE : RUGIRA Léonce

bakibaza icyo uriya mukino uhatse kuko umuntu arababeshya ngo ayoboye ishyaka ryabo kandi mu by'ukuri afite ibindi yikurikiraniye. Twebwe tuzakorana n'abarwanashyaka babishaka kandi b'abanyamurava baharanira inyungu z'ighugu mbere y'inda zabo. Rwose ni dushaka tuzasigare turi icyakabiri cy'abo dufite ubu. Wenda tube bacye ariko beza b'umucyo bafite ishema ryo kuba abarwanashyaka ba MDR.

Byakiriwe na RAVI

## INKURU ZO KU MULINDI

MU NZIRA IGANA KU MURINDI  
WINKOTANYI KALISA J. Bosco

Ubwo twajyaga ku Murindi kureba umupira w'ABAKOMBOZI n'INKOTANYI twageze kuri barrière yo mu RUKOMO dusanga gukomeza urugendo atari ibyoroshye. Muri uko gutegereza, umusirkare wari hejuru y'umukingo yutegereza iyo mbaga y'abantu yari yitabiritye "kwabuka" ariyamira ati: "HABYARIMANA yazubara yet! Ubu araretse izi nyenzi zose zisanze izindu!" Ariko se caporal we (ubanza ariryo peti ryawe sinibuka neza), ugirango HABYARIMANA ntumurenganya, burya nawe niko niko abitekereza; ariko se ugirango politiku y'amashyaka menshi yemeye atemeye izajya imukorera ibyo yifusa byose? Reka da! Ariko rero nawe izajya imukorera ibyo yifusa byose? Reka da! Ariko rero nawe waramutengushye, burya iyo uza gukora ibyo yagutumye ubu uba uhagaze i GATUNA aho kuba wibereye mu RUKOMO.

Ubwo ibyo byarashize turambuka, abakundaiby' umupirabazabibabwirareka njye mbitbwirire bumwe mu byantangaje : Aho ku Murindi hari abasirkare benshi barimo n'abakobwa, mu bakobwa nabo harimo uwirwa FRANCINE (niryo zina nibuka irindi sindizi; ni umusirkare mu bandi yambaye "simoko" nk'abandi, yayikunje amaboko nkabo. Nuko ati : "Mu Rwanda muraho?" nanje nti "turaho" arongera ati : "wari uzi ko data ari umusirkare wa leta yanyu? ubu turahanganye ariko aranga agahunga kuko kugeza ubu ntaramuca n'iryerwa." Yarakomeje amuntumahongonzamutashye mubwire ko umukobwa we uraho kandi ko umaze neza mu z'amarere. Si ibyo gusa, ubwo hari n'abandi bana b'INKOTANYI batubwiye ko hari na murumuna wa NGEZE Hassan, wa mubwirizabutumwa wa KANGUKA. Nitwabashije kumubona ariko ngo ni ty'amarere mu zindi. Ziracyaduaangaza!